

大般涅槃经

(三十六卷：第十六卷至第十八卷)

北凉天竺三藏昙无讖译 梵

宋沙门慧严慧观同谢灵运再治



南無本師釋迦牟尼佛

说明

本简体校正版《大般涅槃经》(南本)电子书,是根据《乾隆大藏经》大乘涅槃部,第0110部,北凉天竺三藏昙无讖译梵、宋沙门慧严慧观同谢灵运再治《大般涅槃经》(36卷)影印本校正的。标点符号仅供参考。

为了便于读诵,本电子书按顺序每三卷合为一册,共十二册。若每天读一册,可十二天读完。

本电子书是免费结缘品。特此说明。

仁慧草堂

二〇一八年十月

目 录

起诵仪	- 1 -
香赞	- 1 -
开经偈	- 1 -
大般涅槃经卷第十六	- 1 -
梵行品第二十之三	- 1 -
大般涅槃经卷第十七	- 39 -
梵行品第二十之四	- 39 -
大般涅槃经卷第十八	- 69 -
梵行品第二十之五	- 69 -
婴儿行品第二十一	- 93 -
结诵仪	- 97 -
补阙真言	- 97 -
发愿文	- 97 -
回向偈	- 98 -
回向偈	- 98 -
三皈依	- 99 -

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

大般涅槃经卷第十六

北凉天竺三藏昙无讖译 梵

宋沙门慧严慧观同谢灵运再治

梵行品第二十之三¹

迦叶菩萨言：“如佛世尊为舍利弗说：‘世间知者，我亦得知；世间不知，我亦悉知。’其义云何？”

“善男子，一切世间不知、不见、不觉佛性；若有知、见、觉佛性者，不名世间，名为菩萨。世间之人亦复不知、不见、不觉十二部经、十二因缘、四倒、四谛、三十七品、阿耨多罗三藐三菩提、大般涅槃；若知、见、觉者，不名世间，当名菩萨。善男子，是名世间不知、见、觉。

“云何世间所知、见、觉？所谓：梵天、自在天、八臂天、性时微尘法及非法是造化主、世界终始、断常二见，说言初禅至非非想名为涅槃。善男子，是名世间所知、见、觉。菩萨摩訶萨于如是事亦知、见、觉。菩萨如是知、见、觉已，若言不知、不见、不觉，是为虚妄。虚妄之法则

¹ 大正藏：梵行品之三

为是罪，以是罪故，堕于地狱。善男子，若男、若女、若沙门、若婆罗门说言：‘无道、菩提、涅槃。’当知是辈名一阐提、魔之眷属，名为谤法。如是谤法名谤诸佛。如是之人不名世间、不名非世间。”

尔时，迦叶闻是事已，即以偈颂而赞叹佛：

大慈悯众生 故令²我归依
善拔众毒箭 故称大医王
世医所疗治 虽差还复生
如来所治者 毕竟不复发
世尊甘露药 以施诸众生
众生既服已 不死亦不生
如来今为我 演说大涅槃
众生闻秘藏 即得不生灭

迦叶菩萨说是偈已，即白佛言：“世尊！如佛所说‘一切世间不知、见、觉，菩萨悉能知、见、觉’者，若使菩萨是世间者，不得说言：‘世间不知、不见、不觉。’而是菩萨能知、见、觉，若非世间，有何异相？”

佛言：“善男子，言菩萨者，亦是世间、亦非世间。不知、见、觉者，名为世间；知、见、

² 大正藏：今

觉者，不名世间。汝言有何异者，我今当说。善男子，若男若女，若有初闻是涅槃经即生敬信，发阿耨多罗三藐三菩提心，是则名为世间。菩萨一切世间不知、见、觉，如是菩萨亦同世间，不知、见、觉。菩萨闻是涅槃经已，知有世间不知、见、觉，应是菩萨所知、见、觉。知是事已，即自思惟：‘我当云何方便修习，得知、见、觉？’覆复³念言：‘唯当深心修持净戒。’

“善男子，菩萨尔时，以是因缘，于未来世，在在生处，戒常清净。善男子，菩萨摩訶萨以戒净故，在在生处，常无憍慢、邪见、疑网，终不说言：‘如来毕竟入于涅槃。’是名菩萨修持净戒。戒既清净，次修禅定。以修定故，在在生处，正念不忘，所谓一切众生悉有佛性，十二部经，诸佛世尊常、乐、我、净，一切菩萨安住方等大涅槃经悉见佛性，如是等事忆而不忘。因修定故，得十一空，是名菩萨修清净定。戒定已备，次修净慧。以修慧故，初不计著身中有我、我中有身、是身是我、非身非我，是名菩萨修习净慧。以修慧故，所受持戒牢固不动。善男子，譬如须弥，不为四风之所倾动；菩萨摩訶萨亦复如是，不为

³ 大正藏：自

四倒之所倾动。善男子，菩萨尔时，自知、见、觉，所受持戒无有倾动，是名菩萨所知、见、觉，非世间也。

“善男子，菩萨见所持戒牢固不动，心无悔恨；无悔恨故，心得欢喜；得欢喜故，心得悦乐；得悦乐故，心则安隐；心安隐故，得无动定；得无动定故，得实知见；得实知见故⁴，厌离生死；厌离生死故，便得解脱；得解脱故，明见佛性。是名菩萨所知、见、觉，非世间也。

“善男子，是名世间不知、见、觉，而是菩萨所知、见、觉。”

迦叶复言：“云何菩萨修持净戒心无悔恨乃至明了见于佛性？”

佛言：“善男子，世间戒者，不名清净。何以故？世间戒者，为于有故，性不定故，非毕竟故，不能广为一一切众生，以是义故，名为不净；以不净故，有悔恨心；以悔恨故，心无欢喜；无欢喜故，则无悦乐；无悦乐故，则无安隐；无安隐故，无不动定；无不动定故，无实知见；无实知见故，则无厌离；无厌离故，则无解脱；无解脱故，不见佛性；不见佛性故，终不能得大般涅槃。

⁴ 大正藏：实知见故；永乐北藏及龙藏：得实知见故

槃。是名世间戒不清净。

“善男子，菩萨摩訶萨清净戒者，戒非戒故，非为有故，定毕竟故，为众生故，是名菩萨戒清净也。

“善男子，菩萨摩訶萨于净戒中，虽不欲生无悔恨心，无悔恨心自然而生。善男子，譬如有人，执持明镜，不期见面，面像自现。亦如农夫，散种良田⁵，不期生芽，而芽自生。亦如然灯，不期灭闇，而闇自灭。善男子，菩萨摩訶萨坚持净戒，无悔恨心自然而生，亦复如是。以净戒故，心得欢喜。

“善男子，如端正人，自见面貌，心生欢喜；持净戒者亦复如是。

“善男子，破戒之人，见戒不净，心不欢喜。如形残者，自见面貌，不生喜悦；破戒之人，亦复如是。

“善男子，譬如牧牛，有二女人，一持酪瓶，一持浆瓶，俱共至城，而欲卖之。于路脚跌，二瓶俱破，一则欢喜，一则愁恼。持戒破戒亦复如是，持净戒者心则欢喜，心欢喜故，则便思惟：

‘诸佛如来于涅槃中说：“有能持清净戒者，则

⁵ 大正藏：种之良田；永乐北藏及龙藏：散种良田

得涅槃。”我今修习如是净戒，亦应得之。’以是因缘，心则悦乐。”

迦叶复言：“喜之与乐，有何差别？”

“善男子，菩萨摩訶萨不作恶时，名为欢喜；心净持戒，名之为乐。善男子，菩萨摩訶萨观于生死，则名为喜；见大涅槃，名之为乐。下，名为喜；上，名为乐。离世共法，名之为喜；得不共法，名之为乐。以戒净故，身体轻柔，口无粗过。菩萨尔时，若见、若闻、若嗅、若尝、若触、若知悉无诸恶；以无恶故，心得安隐；以安隐故，则得静定；得静定故，得实知见；实知见故，厌离生死；厌生死故，则得解脱；得解脱故，得见佛性；见佛性故，得大涅槃。是名菩萨清净持戒，非世间戒。何以故？善男子，菩萨摩訶萨所受净戒，五法佐助。云何为五？一，信；二，惭；三，愧；四，善知识；五，增⁶敬戒。离五盖故，所见清净。离五见故，心无疑网。离五疑故，一者、疑佛；二者、疑法；三者、疑僧；四者、疑戒；五者、疑不放逸，菩萨尔时，即得五根，所谓信、念、精进、定、慧；得五根故，得五种涅槃，谓色解脱乃至识解脱。是名菩萨清净持戒，非世间

⁶ 大正藏：宗

也。

“善男子，是名世间之所不知、不见、不觉，而是菩萨所知、见、觉。

“善男子，若我弟子受持、读诵、书写、演说大涅槃经有破戒者，有人呵责、轻贱、毁辱而作是言：‘若佛秘藏大涅槃经有威力者，云何令汝毁所受戒？若人受持是涅槃经毁禁戒者，当知是经为无威力。若无威力，虽复读诵为无利益。’缘是轻毁涅槃经故，复令无量无边众生堕于地狱。受持是经而毁戒者，则是众生大恶知识⁸，非我弟子，是魔眷属。如是之人，我亦不听受持是典，宁使不受、不持、不修，不以毁戒受持修习。

“善男子，若我弟子受持、读诵、书写、演说涅槃经者，当正身心，慎莫掉⁹戏轻躁举动。身为掉戏，心为轻动。求有之心名为轻动，身造诸业名为掉戏。若我弟子求有、造业，不应受持是大乘典大涅槃经。若有如是受持经者，人当轻呵而作是言：‘若佛秘藏大涅槃经有威力者，云何令汝求有、造业？若持经者，求有、造业，当知是经为无威力。若无威力，虽复受持为无利益。’

⁷ 大正藏：解

⁸ 大正藏：恶知识也；永乐北藏及龙藏：大恶知识

⁹ 大正藏：调

缘是轻毁涅槃经故，复令无量无边众生堕于地狱。受持是经求有、造业，则是众生大恶知识¹⁰也，非我弟子，是魔眷属。

“复次，善男子，若我弟子受持、读诵、书写、演说是¹¹涅槃经，莫非时说，莫非国说，莫不请说，莫轻心说，莫处处说，莫自叹说，莫轻他说，莫灭佛法说，莫炽然世法说。善男子，若我弟子受持是经非时而说，乃至炽然世法说者，人当轻呵而作是言：‘若佛秘藏大涅槃经有威力者，云何令汝非时而说，乃至炽然世法而说？若持经者作如是说，当知是经为无威力。若无威力，虽复受持为无利益。’缘是轻毁涅槃经故，令无量众生堕于地狱。受持是经非时而说，乃至炽然世法而说，则是众生恶知识¹²也，非我弟子，是魔眷属。

“善男子，若欲受持者、说大涅槃者、说佛性者、说如来秘藏者、说大乘者、说方等经者、说声闻乘者、说辟支佛乘者、说解脱者、见佛性者，先当清净其身。以身净故，则无呵责；无呵责故，令无量人于大涅槃生清净信；信心生故，

¹⁰ 大正藏：恶知识；永乐北藏及龙藏：大恶知识

¹¹ 大正藏：大

¹² 大正藏：恶知识；永乐北藏及龙藏：大恶知识

恭敬是经，若闻一偈、一句、一字及说法者，则便得发¹³阿耨多罗三藐三菩提心。当知是人则是众生真善知识，非恶知识，是我弟子，非魔眷属。是名菩萨非世间也。

“善男子，是名世间之所不知、不见、不觉，而是菩萨所知、见、觉。

“复次，善男子，云何复名一切世间所不知、见、觉，而是菩萨所知、见、觉？所谓六念处。何等为六？念佛、念法、念僧、念戒、念施、念天。

“善男子，云何念佛？如来、应、正遍知、明行足、善逝、世间解、无上士、调御丈夫、天人师、佛、世尊，常不变易，具足十力、四无所畏、大师子吼，名大沙门、大婆罗门、大净、毕竟到于彼岸、无能胜者、无见顶者、无有怖畏、不惊不动、独一无二、无师自悟、疾智、大智、利智、深智、解脱智、不共智、广普智、毕竟智、智宝成就、人中象王、人中牛王、人中龙王、人中丈夫、人中莲华、分陀利华、调御人师，为大施主，为大法师¹⁴。以知法故，名大法师；以知

¹³ 大正藏：则得发于；永乐北藏及龙藏：则便得发

¹⁴ 大正藏：大法之师；永乐北藏及龙藏：为大法师

义故，名大法师；以知时故，名大法师；以知足故，名大法师；以知我故，名大法师；知大众故，名大法师；以知众生种种性故，名大法师；以知诸根利、钝、中故，名大法师；说中道故，名大法师。

“云何名如来？如过去诸佛所说不变。云何不变？过去诸佛为度众生说十二部经；如来亦尔，故名如来。

“诸佛世尊从六波罗蜜、三十七品、十一空来至大涅槃；如来亦尔，是故号佛为如来也。

“诸佛世尊为众生故，随宜方便，开示三乘，寿命无量，不可称计；如来亦尔，是故号佛为如来也。

“云何为应？

“世间之法，悉名为怨¹⁵，佛应害故，故名为应。夫四魔者是菩萨怨，诸佛如来为菩萨时，能以智慧破坏四魔，是故名应。复次，应者名为远离。为菩萨时，应当远离无量烦恼，故名为应。复次，应者名乐。过去诸佛为菩萨时，虽于无量阿僧祇劫为众生故受诸苦恼，终无不乐，而常乐之。如来亦尔，是故名应。又复，应者，一切人

¹⁵ 大正藏：悉名怨家；永乐北藏及龙藏：悉名为怨

天应以种种香华、瓔珞、幢旛、妓乐而供养之，故名为应¹⁶。

“云何正遍知？正者，名不颠倒；遍知者，于四颠倒无不通达。又复，正者，名为苦行；遍知者，知因苦行定有苦果。又复，正者，名世间中；遍知者，毕竟定知修习中道得阿耨多罗三藐三菩提。又复，正者，名为可数、可量、可称；遍知者，不可数、不可量、不可称。是故号佛为正遍知。

“善男子，声闻、缘觉亦有遍知，亦不遍知。何以故？遍者¹⁷，名五阴、十二入、十八界，声闻、缘觉亦得遍知，是名遍知。云何不遍知？善男子，假使二乘于无量劫观一色阴不能尽知，以是义故，声闻、缘觉无有遍知。

“云何明行足？明者，名得无量善果；行者，名为脚足¹⁸；善果者，名阿耨多罗三藐三菩提。脚足者，名为戒、慧。乘戒、慧足得阿耨多罗三藐三菩提，是故名为明行足¹⁹。又复，明者，名呪；行者，名吉；足者，名果。善男子，是名世间义。呪者，名为解脱；吉者，名为阿耨多罗三

¹⁶ 大正藏：是故名应；永乐北藏及龙藏：故名为应

¹⁷ 大正藏：遍知者；永乐北藏及龙藏：遍者

¹⁸ 大正藏：行名脚足；永乐北藏及龙藏：行者，名为脚足

¹⁹ 大正藏：明行足也；永乐北藏及龙藏：明行足

藐三菩提；果者，名为大般涅槃。是故，名为明行足²⁰。又复，明者，名光；行者，名业；足者，名果。善男子，是名世间义。光者，名不放逸；业者，名六波罗蜜；果者，名为阿耨多罗三藐三菩提。又复，明者，名为三明：一，菩萨明；二，诸佛明；三，无明明。菩萨明者，即是般若波罗蜜；诸佛明者，即是佛眼；无明明者，即是²¹毕竟空。行者，于无量劫，为众生故，修诸善业。足者，明见佛性。以是义故，名明行足。

“云何善逝？善者，名高；逝，名不高。善男子，是名世间义。高者，名为阿耨多罗三藐三菩提；不高者，即如来心也。善男子，心若高者，不名如来。是故，如来名为善逝。又复，善者，名为善知识；逝者，善知识果。善男子，是名世间义。善知识者，即初发心；果者，名为大般涅槃。如来不舍最初发心得大涅槃，是故，如来名为善逝。又复，善者，名好；逝者，名有。善男子，是名世间义。好者，名见佛性；有者，名大涅槃。

“善男子，涅槃之性实非有也，诸佛世尊因

²⁰ 大正藏：明行足也；永乐北藏及龙藏：明行足

²¹ 大正藏：即；永乐北藏及龙藏：即是

世间故，说言是有。善男子，譬如世人，实无有子，说言有子；实无有道，说言有道。涅槃亦尔，因世间故，说言是²²有。诸佛世尊成大涅槃，故名善逝。

“云何世间解²³？世间者²⁴，名为五阴；解者，名知。诸佛世尊善知五阴，故名世间解。又，世间者，名为五欲；解，名不著。不著五欲，故名世间解。又，世间者²⁵，东方无量阿僧祇世界一切声闻、缘²⁶觉不知、不见、不解，诸佛悉知、悉见、悉解；南、西、北方、四维、上、下亦复如是。是故，号佛为世间解。又，世间者，一切凡夫；解者，知诸凡夫善恶因果。非是声闻、缘觉所知，唯佛能知，是故号佛为世间解。又，世间者，名曰莲华；解，名不污。善男子，是名世间义。莲华者，即是如来；不污者，如来不为世间八法之所污染²⁷。是故，号佛为世间解。又，世间解者，诸佛菩萨名世间解。何以故？诸佛菩萨见世间故，故名世间解。善男子，如因食得命，名食为命；诸佛菩萨亦复如是，见世间故，故名

²² 大正藏：说言为有

²³ 大正藏：善男子，云何世间解；永乐北藏及龙藏：云何世间解

²⁴ 大正藏：善男子，世间者；永乐北藏及龙藏：世间者

²⁵ 大正藏：世间解者；永乐北藏及龙藏：世间者

²⁶ 大正藏：独

²⁷ 大正藏：染污；永乐北藏及龙藏：污染

世间解。

“云何无上士？上士者，名之为断；无所断者，名无上士。诸佛世尊无有烦恼，故无所断，是故号佛为无上士。又，上士者，名为诤讼；无上士者，无有诤讼。如来无诤，是故号佛为无上士。又，上士者，名语可坏；无上士者，语不可坏。如来所言，一切众生所不能坏，是故号佛为无上士。又，上士者，名为上座；无上士者，名无上座。三世诸佛更无过者，是故号佛为无上士。上者，名新；士者，名故。诸佛世尊体大涅槃无新无故，是故号佛为无上士。

“云何调御丈夫？自既丈夫，复调丈夫。善男子，如来者²⁸，实非丈夫，非不丈夫。因调丈夫故²⁹，故名如来为丈夫也。善男子，一切男女若具四法，则名丈夫。何等为四？一，近善知识³⁰；二，能听法；三，思惟义；四，如说修行。善男子，若男若女具是四法，则名丈夫。善男子，若有男子无此四法，则不得名为丈夫也。何以故？身虽丈夫，行同畜生。如来调伏若男若女，是故号佛为调御丈夫³¹。

²⁸ 大正藏：言如来者；永乐北藏及龙藏：如来者

²⁹ 大正藏：因调丈夫；永乐北藏及龙藏：因调丈夫故

³⁰ 大正藏：一，善知识；永乐北藏及龙藏：一，近善知识

³¹ 大正藏：是故号佛调御丈夫；永乐北藏及龙藏：是故号佛为调御丈夫

“复次，善男子，如御马者，凡有四种：一者，触毛；二者，触皮；三者，触肉；四者，触骨。随其所触，称御者意。如来亦尔，以四种法调伏众生：一，为说生便³²受佛语，如触其毛随御者意；二，说生、老便受佛语，如触毛、皮随御者意；三者，说生及以老、病便受佛语，如触毛、皮、肉随御者意；四者，说生及老、病、死便受佛语，如触毛、皮、肉、骨随御者意。善男子，御者，调马无有决定；如来世尊调伏众生，必定不虚，是故号佛调御丈夫³³。

“云何天人师？师有二种：一者，善教；二者，恶教。诸佛菩萨常以善法教诸众生。何等善法？谓身、口、意善。诸佛菩萨教诸众生，作如是言：‘善男子，汝当远离身不善业。何以故？以身恶业是可远离得解脱故，是故我以此法教汝。若此³⁴恶业不可远离得解脱者，终不教汝令远离也。’若诸众生，离恶业已堕三恶者，无有是处。以远离故，成阿耨多罗三藐三菩提，得大涅槃。是故，诸佛菩萨常以此法教化众生。口、意亦尔。是故，号佛为无上师。

³² 大正藏：令

³³ 大正藏：是故号佛为调御丈夫；永乐北藏及龙藏：是故号佛调御丈夫

³⁴ 大正藏：是

“复次，昔未得道，今已得之，以所得道，为众生说；从本已来，未修梵行，今已修竟，以己所修，为众生说；自破无明，复为众生破坏无明；自得净目，复为众生破除盲瞑³⁵，令得净眼；自知二谛，复为众生演说二谛；既自解脱，复为众生说解脱法；自度无边生死大海³⁶，复令众生皆悉得度；自得无畏，复教众生令无怖畏；自既涅槃，复为众生演大涅槃。是故，号佛为无上师。

“天者名昼，天上昼长夜短，是故名天。又复，天者，名无愁恼，常受快乐，是故名天。又复，天者，名为灯明，能破黑闇而为大明，是故名天。亦以能破恶业黑闇，得于³⁷善业而生天上，是故名天。又复，天者名吉，以吉祥故，得名为天。又复，天者名日，日有光明，故名日为天。以是义故，名为天也。人者名为³⁸，能多恩义。又复，人者，身、口柔软。又复，人者，名有憍慢。又复，人者，能破憍慢。善男子，诸佛虽为一切众生无上大师，而³⁹经中说为天人师。何以故？善男子，诸众生中，唯天与人能发阿耨多罗

³⁵ 大正藏：冥

³⁶ 大正藏：自渡无边生死大河；永乐北藏及龙藏：自度无边生死大海

³⁷ 大正藏：诸

³⁸ 大正藏：日

³⁹ 大正藏：然

三藐三菩提心，能修十善业道，能得须陀洹果、斯陀含果、阿那含果、阿罗汉果、辟支佛道，得阿耨多罗三藐三菩提，是故号佛为天人师。

“云何为佛？佛者名觉，既自觉悟，复能觉他。善男子，譬如有人，觉知有贼，贼无能为。菩萨摩訶萨能觉一切无量烦恼，既觉了已，令诸烦恼无所能为，是故名佛。以是觉故，不生、不老、不病、不死，是故名佛。

“婆伽婆者，婆伽名破，婆名烦恼。能破烦恼，故名婆伽婆。又能成就诸善法故，又能善解诸法义故，有大功德无能胜故，有大名闻遍十方故，又能种种大惠⁴⁰施故，又于无量阿僧祇劫吐女根故。

“善男子，若男若女能如是念佛者，若行、若住、若坐、若卧，若昼、若夜，若明、若闇，常得不离，见佛世尊。

“善男子，何故名为如来、应、正遍知乃至婆伽婆，而有如是无量功德大名称耶？善男子，菩萨⁴¹于昔无量阿僧祇劫恭敬父母、和尚、诸师、上座长老，于无量劫常为众生而行布施，坚持禁

⁴⁰ 大正藏：慧

⁴¹ 大正藏：菩萨摩訶萨；永乐北藏及龙藏：菩萨

戒，修习忍辱，勤行精进、禅定、智慧，大慈、大悲、大喜、大舍，是故今得三十二相、八十种好金刚之身。

“又复，菩萨于昔无量阿僧祇劫，修习信、进、念⁴²、定、慧根，于诸师长恭敬供养，常为法利，不为食利。菩萨若持十二部经，若读若诵，常为众生令得解脱、安隐、快乐，终不自为。何以故？菩萨常修出世间心及出家心、无为之心、无诤讼心、无垢秽心、无系缚心、无取著心、无覆盖心、无无记心、无生死心、无疑网心、无贪欲心、无瞋恚心、无愚痴心、无憍慢心、无秽浊心、无烦恼心、无苦心、无量心、广大心、虚空心、无心、无无心、不调心⁴³、不护心、无覆藏心、无世间心、常定心、常修心、常解脱心、无报心、无愿心、善愿心、无语⁴⁴心、柔软心、不住心、自在心、无漏心、第一义心、不退心、无常心、正直心、无谄曲心、淳⁴⁵善心、无多少心、无坚心、无凡夫心、无声闻心、无缘觉心、善知心、界知心、生界知心、住界知心、自在界心，是故今得十力、四无所畏、大悲、三念处、常、

⁴² 大正藏：念、进；永乐北藏及龙藏：进、念

⁴³ 大正藏：调心；永乐北藏及龙藏：不调心

⁴⁴ 大正藏：误

⁴⁵ 大正藏：纯

乐、我、净，是故得称如来乃至婆伽婆。是名菩萨摩訶萨念佛。

“云何菩萨摩訶萨念法？善男子，菩萨摩訶萨思惟诸佛所可说法最妙最上，因是法故，能令众生得现在果。唯此正法无有时节，法眼所见，非肉眼见，然不可以譬喻为比，不生不出，不住不灭，不始不终，无为无数，无舍者为作舍⁴⁶，无归作归，无明作明，未至彼岸令至彼岸⁴⁷，为无香处作无碍香，不可睹见⁴⁸，不动不转，不长不短，永断诸乐而安隐乐毕竟微妙，非色断色而亦是色，乃至非识断识而亦是识，非业断业，非结断结，非物断物而亦是物，非界断界而亦是界，非有断有而亦是有，非入断入而亦是入，非因断因而亦是因，非果断果而亦是果，非虚非实断一切实而亦是实，非生非灭永断生灭而亦是灭，非相非非相断一切相而亦是相，非教非不教而亦是师，非怖非安断一切怖而亦是安，非忍非不忍永断不忍而亦是忍，非止非不止断一切止而亦是止，一切法顶，悉能永断一切烦恼，清净无相，永脱诸相，无量众生毕竟住处，能灭一切生死炽火，

⁴⁶ 大正藏：无舍宅者为作舍宅；永乐北藏及龙藏：无舍者为作舍

⁴⁷ 大正藏：未到彼岸令到彼岸；永乐北藏及龙藏：未至彼岸令至彼岸

⁴⁸ 大正藏：不可见；永乐北藏及龙藏：不可睹见

乃是诸佛所游居处，常不变易。是名菩萨念法。

“云何念僧？诸佛圣僧如法而住，受正直法，随顺修行，不可睹见，不可捉持，不可破坏，无能烧害，不可思议，一切众生良佑福田。虽为福田，无所受取。清净无秽，无漏无为，广普无边，其心调柔，平等无二，无有扰⁴⁹浊，常不变易。是名念僧。

“云何念戒？菩萨思惟：‘有戒，不破不漏，不坏不杂。虽无形色而可护持，虽无触对善修方便，可得具足无有过咎，诸佛菩萨之所赞叹，是大方等大涅槃因。’善男子，譬如大地、船舫、瓔珞、大姓、大海⁵⁰、灰汁、舍宅、刀剑、桥梁、良医妙药、阿伽陀药、如意宝珠、脚足、眼目、父母、阴凉，无能劫盗，不可烧害，火不能焚，水不能漂。大山梯蹬，诸佛菩萨妙宝胜幢。若住是戒，得须陀洹果，我亦有分，然我不须。何以故？若我得是须陀洹果，不能广度一切众生。若住是戒，得⁵¹阿耨多罗三藐三菩提，我亦有分，是我所欲。何以故？若得阿耨多罗三藐三菩提，当为众生广说妙法而作救护。是名菩萨摩訶萨念

⁴⁹ 大正藏：烧

⁵⁰ 大正藏：大海；永乐北藏及龙藏：大姓、大海

⁵¹ 大正藏：若住是戒则得；永乐北藏及龙藏：若住是戒得

戒。

“云何念施？菩萨摩訶萨深观此施乃是阿耨多罗三藐三菩提因。诸佛菩萨亲近修习如是布施，我亦如是亲近修习。若不惠施，不能庄严四部之众。施虽不能毕竟断结而能除破现在烦恼。以施因缘⁵²，常为十方无量无边恒河沙等世界众生之所称叹。菩萨摩訶萨施众生食则施其命，以是果报，得⁵³佛之时，常不变易。以施乐故，成佛之时，则得安乐。菩萨施时，如法求财，不侵彼施此⁵⁴，是故成佛得清净涅槃。菩萨施时，令诸众生，不求而得，是故成佛得自在。我以施因缘，令他得力，是故成佛获得十力。以施因缘，令他得语，是故成佛得四无碍⁵⁵。诸佛菩萨修习⁵⁶是施为涅槃因，我亦如是修习布施为涅槃因，广说如杂华中。

“云何念天？有四天王处乃至非想非非想处。若有信心得四天王处，我亦有分。若我⁵⁷多闻、布施、智慧，得四天王处乃至得非想非非想处，我亦有分，然非我欲。何以故？四天王处乃

⁵² 大正藏：以施因缘故；永乐北藏及龙藏：以施因缘

⁵³ 大正藏：成

⁵⁴ 大正藏：不侵彼施；永乐北藏及龙藏：不侵彼施此

⁵⁵ 大正藏：碍

⁵⁶ 大正藏：集

⁵⁷ 大正藏：戒

至非想非非想处皆是无常。以无常故，生、老、病、死。以是义故，非我所欲。譬如幻化，诳于愚夫，智慧之人，所不惑著。如幻化者，即是四天王处乃至非想非非想处，愚者即是一切凡夫，我则不同凡夫愚人。我曾闻有第一义天，谓诸佛菩萨常不变易。以常住故，不生、不老、不病、不死。我为众生精勤志求⁵⁸第一义天，何以故？第一义天能令众生除断烦恼，犹如意树。若我有信乃至有慧，则能得是第一义天，当为众生广分别说第一义天。是名菩萨摩訶萨念天。

“善男子，是名菩萨，非世间也。是为世间不知、见、觉，而是菩萨所知、见、觉。

“善男子，若我弟子谓受持、读诵、书写、演说十二部经及以受持、读诵、书写、敷演、解说大涅槃经等无差别者，是义不然。何以故？善男子，大涅槃者，即是一切诸佛世尊甚深秘藏，以是诸佛甚深秘藏是则为胜。善男子，以是义故，大涅槃经甚奇甚特，不可思议。”

迦叶菩萨白佛言：“世尊！我亦知是大涅槃经甚奇甚特，不可思议；佛、法、众僧不可思议；

⁵⁸ 大正藏：求于；永乐北藏及龙藏：志求

菩萨、菩提、大般涅槃⁵⁹亦不可思议。世尊！以何义故，复言菩萨不可思议？”

“善男子，菩萨摩訶萨无有教者，而能自发菩提之心；既发心已，勤修精进，正使大火焚烧身首，终不求救，舍念法心。何以故？菩萨摩訶萨常自思惟：‘我于无量阿僧祇劫，或在地狱、饿鬼、畜生、人中、天上，为诸结火之所烧然，初未⁶⁰曾得一决定法，决定法者，即是阿耨多罗三藐三菩提。我为阿耨多罗三藐三菩提，终不护惜身、心与命。我为阿耨多罗三藐三菩提，正使碎身犹如微尘，终不舍勤精进也。何以故？勤精进心⁶¹即是阿耨多罗三藐三菩提因。’

“善男子，如是，菩萨未见阿耨多罗三藐三菩提，乃能如是不惜身命，况复见已？是故，菩萨不可思议。

“又复，不可思议，菩萨摩訶萨所见生死无量过患非是声闻、缘觉所及。虽知生死无量过患⁶²，为众生故，于中受苦，不生厌离。是故，复名不可思议。

“菩萨摩訶萨为众生故，虽在地狱受诸苦恼，

⁵⁹ 大正藏：大涅槃经；永乐北藏及龙藏：大般涅槃

⁶⁰ 大正藏：不

⁶¹ 大正藏：勤进之心；永乐北藏及龙藏：勤精进心

⁶² 大正藏：恶

如三禅乐，是故复名不可思议。

“善男子，譬如长者，其家失火，长者见已，从舍而出，诸子在后，未脱火难。长者尔时，定知火害，为诸子故，旋还赴救，不顾其难。菩萨摩訶萨亦复如是，虽知生死多诸过恶，为众生故，处之不厌，是故复名不可思议。

“善男子，无量众生发菩提心，见生死中多诸过恶，心即退没，或为声闻，或为缘觉。若有菩萨闻是经者，终不退失菩提之心，而为声闻、辟支佛也。如是菩萨，虽复未阶初不动地，而心坚固，无有退没，是故复名不可思议。

“善男子，若有唱言⁶³：‘我能浮度⁶⁴大海之水。’如是之言，可思议不？”

“世尊！如是之言，或可思议，或不可思议。何以故？若人度者，则不可思议；阿修罗渡，则可思议。”

“善男子，我亦不说阿修罗也，正说人耳。”

“世尊！人中亦有可思议者、不可思议者。世尊！人有⁶⁵二种：一者，圣人；二者，凡夫。凡夫之人，则不可思议；贤圣之人，则可思议。”

⁶³ 大正藏：若有人言；永乐北藏及龙藏：若有唱言

⁶⁴ 大正藏：渡（后同）

⁶⁵ 大正藏：亦

“善男子，我说凡夫，不说圣人。”

“世尊！若凡夫人实不可思议。”

“善男子，凡夫之人，实不能度大海水也。而⁶⁶是菩萨实能度彼⁶⁷生死大海，是故复名不可思议。

“善男子，若有人能以藕根丝悬须弥山，可思议不？”

“不也。世尊！”

“善男子，菩萨摩訶萨于一念顷，悉能称量一切生死，是故复名不可思议。

“善男子，菩萨摩訶萨已于无量阿僧祇劫，常观生死无常、无我、无乐、无净，而为众生分别演说常、乐、我、净，虽如是说，然非邪见，是故复名不可思议。

“善男子，如人入水水不能溺，入大猛火火不能烧，如是之事不可思议。菩萨摩訶萨亦复如是，虽处生死不为生死之所恼害，是故复名不可思议。

“善男子，人有三品，谓上、中、下。下品之人初入胎时，作是念言：‘我今处厕，众秽归

⁶⁶ 大正藏：如

⁶⁷ 大正藏：于

处、诸⁶⁸死尸间、棘刺丛林、大黑闇中⁶⁹。’初出胎时，复作是念：‘我今出厕，诸秽恶处⁷⁰，乃至出于大黑闇中⁷¹。’中品之人作是念言：‘我今入于众树林果⁷²、清净河中、房室舍宅。’出时，亦尔。上品之人作是念言：‘我升殿堂，在华林间，乘马乘象，登上⁷³高山。’出时，亦尔。菩萨摩訶萨初入胎时，自知入胎，住时知住，出时知出，不起贪欲瞋恚之心⁷⁴，而亦未得初住之地⁷⁵，是故复名不可思议。

“善男子，阿耨多罗三藐三菩提实不可以譬喻为比。善男子，心亦不可以方喻为比而皆可说。菩萨摩訶萨无有师咨受学之处，而能得是⁷⁶阿耨多罗三藐三菩提。得是法已，心无悭吝，常为众生而演说之。是故，得⁷⁷名不可思议。

“善男子，菩萨摩訶萨有身远离非口，有口远离非身，有非身、口而亦远离。身远离者，谓离杀、盗、淫，是名身远离非口。口远离者，谓

⁶⁸ 大正藏：如

⁶⁹ 大正藏：众棘刺中、大黑闇处；永乐北藏及龙藏：棘刺丛林、大黑闇中

⁷⁰ 大正藏：出众秽处；永乐北藏及龙藏：诸秽恶处

⁷¹ 大正藏：处

⁷² 大正藏：中

⁷³ 大正藏：陟

⁷⁴ 大正藏：终不生于贪瞋之心；永乐北藏及龙藏：不起贪欲瞋恚之心

⁷⁵ 大正藏：而未得阶初住地也；永乐北藏及龙藏：而亦未得初住之地

⁷⁶ 大正藏：于

⁷⁷ 大正藏：复

离妄语、两舌、恶口、无义语，是名口远离非身。非身非口亦⁷⁸远离者，所谓远离贪嫉⁷⁹、瞋恚、邪见。善男子，是名非身非口而是远离。善男子，菩萨摩訶萨不见一法是身、是业及与离主而亦有离，是故复名不可思议。口亦如是。

“善男子，从身离身，从口离口，从慧远离非身非口。善男子，实有此慧，然不能令菩萨远离。何以故？善男子，无有一法能坏能作，有为法性异生异灭，是故此慧不能远离。

“善男子，慧不能破，火不能烧，水不能烂，风不能动，地不能持，生不能生，老不能老，住不能住，坏不能坏，贪不能贪，瞋不能瞋，痴不能痴，以有为性异生异灭故。菩萨摩訶萨终不生念：‘我以此慧破诸烦恼。’而自说言：‘我破烦恼。’虽作是说非是虚妄，是故复名不可思议。”

迦叶菩萨白佛言⁸⁰：“世尊！我今始知菩萨摩訶萨不可思议，佛、法、众僧、大涅槃经及受持者、菩提、涅槃不可思议。世尊！无上佛法住当久近⁸¹？几时而灭？”

“善男子，若大涅槃经乃至有是五行，所谓

⁷⁸ 大正藏：欲

⁷⁹ 大正藏：欲

⁸⁰ 大正藏：迦叶复言；永乐北藏及龙藏：迦叶菩萨白佛言

⁸¹ 大正藏：当久近住；永乐北藏及龙藏：住当久近

圣行、梵行、天行、病行、婴儿行。若我弟子有能受持、读诵、书写、演说其义，为诸众生之所恭敬、尊重、赞叹、种种供养，当知尔时，佛法未灭。

“善男子，若大涅槃经具足流布，当尔之时，我诸弟子多犯禁戒，造作众恶，不能敬信如是经典，以不信故，不能受持、读诵、书写、解说其义，不为众人之所恭敬乃至供养，见受持者轻毁诽谤：‘汝是六师，非佛弟子。’当知佛法将灭不久。”

迦叶菩萨复白佛言：“世尊！我亲从佛受⁸²如是义：‘迦叶佛法，住世七日，然后灭尽。’世尊！迦叶如来有是经不？若⁸³其有者，云何言灭？若⁸⁴其无者，云何说言大涅槃经是诸如来秘密之藏？”

佛言：“善男子，我上⁸⁵说言，唯有文殊乃解是义，今当重说，至心谛听。善男子，诸佛世尊有二种法：一者，世法；二者，第一义法。世法可灭，第一义法则不坏灭。

“复有二种：一者，无常、无我、无乐、无净；二者，常、乐、我、净。无常、无我、无乐、

⁸² 大正藏：闻

⁸³ 大正藏：如

⁸⁴ 大正藏：如

⁸⁵ 大正藏：先

无净则有坏灭，常、乐、我、净则无坏灭。

“复有二种：一者，二乘所持；二者，菩萨所持。二乘所持则有坏灭，菩萨所持则无坏灭。

“复有二种：一者，外；二者，内。外法⁸⁶则有坏灭，内法者则无坏灭。

“复有二种：一者，有为；二者，无为。有为之法则有坏灭，无为之法无有坏灭。

“复有二种：一者，可得；二⁸⁷，不可得。可得之法则有坏灭，不可得法⁸⁸无有坏灭。

“复有二种：一者，共法；二者，不共。共法坏灭，不共之法无有坏灭。

“复有二种：一者，人中；二者，天中。人中坏灭，天无坏灭。

“复有二种：一者，十一部经；二者，方等经。十一部经则有坏灭，方等经典无有坏灭。

“善男子，若我弟子受持、读诵、书写、解说方等经典，恭敬供养，尊重赞叹，当知尔时，佛法不灭。

“善男子，汝向所问‘迦叶如来有是经不？’者，善男子，大涅槃经悉是一切诸佛秘藏。何以

⁸⁶ 大正藏：外法者；永乐北藏及龙藏：外法

⁸⁷ 大正藏：二者；永乐北藏及龙藏：二

⁸⁸ 大正藏：者

故？诸佛虽有十一部经，不说佛性，不说如来常、乐、我、净，诸佛世尊不毕竟涅槃⁸⁹，是故此经名为如来秘密之藏。十一部经所不说故，故名为藏。如人七宝，不出外用，名之为藏。善男子，是人所以藏积此物，为未来事故。何等未来事？所谓谷贵、贼来侵国、值遇恶王、为用赎命、道路涩⁹⁰难、财难得时，乃当出用。善男子，诸佛如来秘密之藏亦复如是，为未来世诸恶比丘，畜不净物，为四众说如来毕竟入于涅槃，读诵世典，不敬佛经，如是等恶现于世时，如来为欲灭是诸恶，令得远离邪命利养，如来则为演说是经。若是经典秘密之藏灭不现时，当知尔时，佛法则灭。

“善男子，大涅槃经常不变易，云何难言：‘迦叶佛时，有是经不？’善男子，迦叶佛时，所有众生，贪欲微薄，智慧滋多，诸菩萨摩訶萨等调柔易化，有大威德，总持不忘，如大象王，世界清净，一切众生悉知如来终不毕竟入于涅槃，常住不变，虽有是典，不须演说。善男子，今世众生，多诸烦恼，愚痴憊忘，无有智慧，多诸疑网，信根不立，世界不净，一切众生咸谓：‘如

⁸⁹ 大正藏：永不毕竟入于涅槃；永乐北藏及龙藏：不毕竟涅槃

⁹⁰ 大正藏：急

来无常迁变，毕竟入于大般涅槃。’是故，如来演说是典。

“善男子，迦叶佛法实亦不灭。何以故？常不变故。

“善男子，若有众生，我见无我、无我见我，常见无常、无常见常，乐见无乐、无乐见乐，净见不净、不净见净，不灭见灭，灭见不灭⁹¹，罪见非罪、非罪见罪，轻罪见重、重罪见轻，乘见非乘、非乘见乘，道见非道、非道见道，实是菩提见非菩提、实非菩提见是菩提⁹²，苦见非苦、集见非集、灭见非灭、实见非实，实是世谛见第一义谛、第一义谛见是世谛，归见非归、非归见归，以真佛语名为魔语、实是魔语以为佛语，如是之时，诸佛乃说大涅槃经。

“善男子，宁说蚊嘴尽大海底，不可说言如来法灭；宁言以索系缚猛风，不可说言如来法灭⁹³；宁说口吹须弥散坏，不可说言如来法灭；宁言以索系缚猛风，不可说言如来法灭⁹⁴；宁言佉陀罗火中生莲华，不可说言如来法灭；宁说阿伽陀药而为毒药，不可说言如来法灭；宁说月可令

⁹¹ 大正藏：灭见不灭，不灭见灭；永乐北藏及龙藏：不灭见灭，灭见不灭

⁹² 大正藏：谬见菩提；永乐北藏及龙藏：见是菩提

⁹³ 大正藏：(无)；永乐北藏及龙藏：宁言以索系缚猛风，不可说言如来法灭

⁹⁴ 大正藏：宁言以索系缚猛风，不可说言如来法灭；永乐北藏及龙藏：(无)

热，日可令冷，不可说言如来法灭；宁说四大各舍己性，不可说言如来法灭。

“善男子，若佛初出得阿耨多罗三藐三菩提已，未有弟子解甚深义，而⁹⁵佛世尊便涅槃者，当知是法不久住世。

“复次，善男子，若佛初出得阿耨多罗三藐三菩提已，有诸弟子解甚深义，佛虽涅槃，当知是法久住于世。

“复次，善男子，若佛得阿耨多罗三藐三菩提⁹⁶，虽有弟子解甚深义，无有笃信白衣檀越敬重佛法，佛便涅槃，当知是法不久住世。

“复次，善男子，若佛初出得阿耨多罗三藐三菩提已，有诸弟子解甚深义，多有笃信白衣檀越敬重佛法，佛虽涅槃，当知佛法久住于世。

“复次，善男子，若佛初出得阿耨多罗三藐三菩提已，有诸弟子解甚深义，虽有笃信白衣檀越敬重佛法，而诸弟子演说经法，贪为利养，不为涅槃，佛复灭度，当知是法不久住世。

“复次，善男子，若佛初出得阿耨多罗三藐三菩提已，有诸弟子解甚深义，复有笃信白衣檀

⁹⁵ 大正藏：彼

⁹⁶ 大正藏：三藐三菩提已；永乐北藏及龙藏：三藐三菩提

越敬重佛法，彼诸弟子凡所演说，不贪利养，为求涅槃，佛虽灭度，当知是法久住于世。

“复次，善男子，若佛初出得阿耨多罗三藐三菩提已，虽有弟子解甚深义，复有笃信白衣檀越敬重佛法，而诸弟子多起诤讼，互相是非，佛复涅槃，当知是法不久住世。

“复次，善男子，若佛初出得阿耨多罗三藐三菩提已，有诸弟子解甚深义，复有笃信白衣檀越敬重佛法，彼诸弟子修和敬法，不相是非，互相尊重，佛虽涅槃，当知是法久住不灭。

“复次，善男子，若佛初出得阿耨多罗三藐三菩提已，虽有弟子解甚深义，复有笃信白衣檀越敬重佛法，彼诸弟子为大涅槃而演说法，互相恭敬，不起诤讼，然畜一切不净之物，复自赞言：‘我得须陀洹果乃至阿罗汉果。’佛复涅槃，当知是法不久住世。

“复次，善男子，若佛初出得阿耨多罗三藐三菩提已，有诸弟子解甚深义，复有笃信白衣檀越敬重佛法，彼诸弟子为大涅槃演说经法，善修和敬，互相尊重，不畜一切不净之物，亦不自言得须陀洹乃至得阿罗汉，彼佛世尊虽复灭度，当知是法久住于世。

“复次，善男子，若佛初出得阿耨多罗三藐三菩提已，有诸弟子乃至不畜不净之物，又不自言得须陀洹乃至⁹⁷阿罗汉，各执所见，种种异说，而作是言：‘长老，诸佛所制四重之法乃至七灭诤法，为众生故，或遮或开；十二部经亦复如是。何以故？佛知国土时节各异、众生不同、利钝差别，是故，如来或遮或开，有轻重说。善男子，譬如良医，为病服乳，为病遮乳，热病听服，冷病则遮。如来亦尔，观诸众生烦恼病根，亦开亦遮。长老，我亲从佛闻如是义，唯我知义，汝不能知；唯我解律，汝不能解；我知诸经，汝不能知。’彼佛复灭，当知是法不久住世。

“善男子⁹⁸，若佛得阿耨多罗三藐三菩提已，有诸弟子乃至不言：‘我得须陀洹果至阿罗汉果⁹⁹。’亦不说言：‘诸佛世尊为众生故，或遮或开。长老，我亲从佛闻如是义、如是法、如是律。长老，当依如来十二部经。此义若是，我当受持；若¹⁰⁰其非者，我当弃舍。’彼佛世尊虽复涅槃，当知是法久住于世。

“善男子，我法灭时，有声闻弟子或说有神，

⁹⁷ 大正藏：至；永乐北藏及龙藏：乃至

⁹⁸ 大正藏：复次，善男子；永乐北藏及龙藏：善男子

⁹⁹ 大正藏：阿罗汉；永乐北藏及龙藏：阿罗汉果

¹⁰⁰ 大正藏：如

或说神空；或说有中阴，或说无中阴；或说有三世，或说无三世；或说有三乘，或说无三乘；或言一切有，或言一切无；或言众生有始有终，或言众生无始无终；或言十二因缘是有为法，或言因缘是无为法；或言如来有病苦行，或言如来无病苦行。或言如来不听比丘食十种肉，何等为十？人、蛇、象、马、驴、狗、师子、猪、狐、猕猴，其余悉听，或言一切不听；或言比丘不作五事，何等为五？不卖生口、刀、酒、洛¹⁰¹沙、胡麻油¹⁰²，其余悉听；或言不听入五种家¹⁰³，何等为五？屠儿、淫女、酒家、王宫、旃陀罗舍，余家¹⁰⁴悉听；或言不听憍舍¹⁰⁵耶衣，余一切听；或言如来听诸比丘畜¹⁰⁶衣、食、卧具，其价各直十万两金，或言不听；或言涅槃常、乐、我、净，或言涅槃直是结尽，更无别法，名为涅槃，譬如织缕名之为衣，衣既坏已，名为¹⁰⁷无衣，实无别法名无衣也，涅槃之体亦复如是。

“善男子，当尔之时，我诸弟子，正说者少，

¹⁰¹ 大正藏：酪

¹⁰² 大正藏：胡麻油等；永乐北藏及龙藏：胡麻油

¹⁰³ 大正藏：舍

¹⁰⁴ 大正藏：舍

¹⁰⁵ 大正藏：奢

¹⁰⁶ 大正藏：受畜；永乐北藏及龙藏：畜

¹⁰⁷ 大正藏：之

邪说者多；受正法少，受邪法多；受佛语少，受魔语多。

“善男子，尔时，拘睢弥国有二弟子：一，阿罗汉¹⁰⁸；二者，破戒。破戒徒众凡有五百，罗汉徒众其数一百。破戒者说：‘如来毕竟入于涅槃，我亲从佛闻如是义，如来所制四重之法，若持亦可，犯亦无罪。我今亦得阿罗汉果、四无阂智，而阿罗汉亦犯如是四重之法。四重之法若是实罪，阿罗汉者终不应犯。如来在世制言坚持，临涅槃时，皆悉放舍。’

“阿罗汉比丘言¹⁰⁹：‘长老，汝不应说如来毕竟入于涅槃，我知如来常不变易，如来在世及涅槃后，犯四重禁罪无差别。若言罗汉犯四重禁，是义不然。何以故？须陀洹人尚不犯禁，况阿罗汉？若长老言：“我是罗汉。”阿罗汉者终不生想：“我得罗汉。”阿罗汉者，唯说善法，不说不善。长老所说皆¹¹⁰是非法，若有得见十二部经，定知长老非阿罗汉。’

“善男子，尔时，破戒比丘徒众即共断是阿罗汉命。善男子，是时，魔王因是二众忿恚之心，

¹⁰⁸ 大正藏：一者，罗汉；永乐北藏及龙藏：一，阿罗汉

¹⁰⁹ 大正藏：时，阿罗汉比丘言；永乐北藏及龙藏：阿罗汉比丘言

¹¹⁰ 大正藏：纯

悉共害是六百比丘。尔时，凡夫各共说言：‘哀哉，佛法于是灭尽。’而我正法实不灭也。尔时，其国有十二万诸大菩萨善持我法，云何当言我法灭耶？

“当于¹¹¹尔时，阎浮提内无一比丘为我弟子。尔时，波旬悉以大火焚烧一切所有经典，其中或有遗余在者，诸婆罗门即共偷取，处处采¹¹²拾，安置己典。以是义故，诸小菩萨佛未出时，率共信受婆罗门语，诸婆罗门虽作是说：‘我有斋戒。’而诸外道真实无也。诸外道等虽复说言有乐、我¹¹³、净，而实不解我、乐、净义，直以佛法一字二字、一句二句说言：‘我典有如是义。’”

尔时，拘尸城¹¹⁴娑罗双树间，无量无边阿僧祇众闻是语已，悉共唱言：“世间虚空，世间虚空。”

迦叶菩萨告诸大众：“汝等且莫忧悲¹¹⁵啼哭。世间不空，如来常住，无有变易，法、僧亦尔。”

尔时，大众闻是语已，啼哭即止，悉发阿耨多罗三藐三菩提心。

¹¹¹ 大正藏：于

¹¹² 大正藏：采

¹¹³ 大正藏：我、乐；永乐北藏及龙藏：乐、我

¹¹⁴ 大正藏：拘尸那城；永乐北藏及龙藏：拘尸城

¹¹⁵ 大正藏：愁

大般涅槃经卷第十六

大般涅槃经卷第十七

北凉天竺三藏昙无讖译 梵

宋沙门慧严慧观同谢灵运再治

梵行品第二十之四¹¹⁶

尔时，王舍大城阿闍世王，其性慳¹¹⁷恶，喜行杀戮，具口四过¹¹⁸，贪恚愚痴。其心炽盛，唯见现在，不见未来，纯以恶人而为眷属，贪著现世五欲乐故，父王无辜，横加逆害。因害父已，心生悔热，身诸¹¹⁹璎珞，妓¹²⁰乐不御。心悔热故，遍体生疮，其疮臭秽，不可附近。寻自念言：“我今此身已受华报，地狱果报将近不远。”尔时，其母，韦提希后¹²¹，以种种药而为涂之，其疮遂增，无有降损。王即白母：“如是疮者，从心而生，非四大起。若言众生有能治者，无有是处。”

时有大臣，名曰月称，往至王所，在一面立，白言：“大王！何故愁悴面容不悦？为身痛耶？为心痛乎？”

¹¹⁶ 大正藏：梵行品之第四

¹¹⁷ 大正藏：弊

¹¹⁸ 大正藏：恶

¹¹⁹ 大正藏：脱

¹²⁰ 大正藏：伎

¹²¹ 大正藏：字韦提希；永乐北藏及龙藏：韦提希后

王答臣言：“我今身心岂得不痛？我父无辜，横加逆害。我从智者曾闻是义：‘世有五人不脱地狱，谓五逆罪。’我今已有无量无边阿僧祇罪，云何身心而得不痛？又无良医治我身心。”

臣言：“大王！莫大愁苦。”即说偈言：

若常愁苦 愁遂增长
如人喜眠 眠则滋多
贪淫¹²²嗜酒 亦复如是

“如王所言：‘世有五人不脱地狱。’谁往见之来语王耶？言地狱者，即¹²³是世间多智者说。如王所言‘世无良医治身心’者，今有大医名富兰那，一切知见，得自在定，毕竟修习清净梵行，常为无量无边众生演说无上涅槃之道。为诸弟子说如是法：‘无有黑业，无黑业报；无有白业，无白业报；无黑白业，无黑白业报；无有上业及以下业。’是师今在王舍城中，唯愿大王屈驾往彼，可令是师疗治身心。”

时王答言：“审能如是灭除我罪，我当归依。”

复有一臣，名曰藏德，复往王所而作是言：

“大王！何故面貌憔悴，唇口干燥¹²⁴，音声微细，

¹²² 大正藏：淫

¹²³ 大正藏：直

¹²⁴ 大正藏：焦

犹如怯人见大怨敌颜色惨¹²⁵变？将何所苦？为身痛耶？为心痛乎？”

王即答言：“我今身心云何不痛？我之痴盲，无有慧眼¹²⁶，近诸恶友而为亲善，随提婆达恶人之言，正法之王横加逆害。我昔曾闻智人说偈：

若于父母 佛及弟子
生不善心 起于恶业
如是果报 在阿鼻狱

“以是事故，令¹²⁷我心怖，生大苦恼，无有¹²⁸良医而见救疗。”

大臣复言：“唯愿大王且莫愁怖。法有二种：一者，出家；二者，王法。王法者，谓害其父，则王国土，虽云是逆，实无有罪。如迦罗罗虫，要坏母腹，然后乃生；生法如是，虽破母身，实亦无罪。骡等怀妊¹²⁹亦复如是。治国之法，法应如是，虽害¹³⁰父兄，亦¹³¹无有罪。出家法者，乃至蚊、蚁，杀亦有罪。唯愿大王宽意莫愁。何以故？

¹²⁵ 大正藏：慄

¹²⁶ 大正藏：目

¹²⁷ 大正藏：今

¹²⁸ 大正藏：又无；永乐北藏及龙藏：无有

¹²⁹ 大正藏：骡怀妊等；永乐北藏及龙藏：骡等怀妊

¹³⁰ 大正藏：杀

¹³¹ 大正藏：实；永乐北藏及龙藏：亦

若常愁苦 愁遂增长
如人喜眠 眠则滋多
贪淫嗜酒 亦复如是

“如王所言‘世无良医治身心’者，今有大师，名末伽梨拘舍离子，一切知见，怜悯众生犹如赤子，已离烦恼，能拔众生三毒利箭。一切众生于一切法无知、见、觉，唯是一人独知、见、觉。如是大师常为弟子说如是法：‘一切众生身有七分。何等为七？地、水、火、风、苦、乐、寿命。如是七法非化非作，不可毁害。如伊师迦草，安住不动如须弥山，不舍不作犹如乳酪，各不诤讼，若苦若乐，若善不善，投之利刀无所伤害。何以故？七分空中无妨阂¹³²故，命亦无害。何以故？无有害者及死者故，无作无受，无说无听，无有念者及以教者。’常说是法，能令众生灭除一切无量重罪。是师今在王舍大城，唯愿大王往至其所。王若见者，众罪消灭。”

时王答言：“审能如是除灭我罪，我当归依。”

复有一臣，名曰实得，复到王所即说偈言：

大王何故 身脱璎珞
首发蓬乱 乃至如是

¹³² 大正藏：碍

王身何故 战栗不安

犹如猛风 吹动华树

“王今何故容色愁悴？犹如农夫下种之后，天不降雨，愁苦如是。为是心痛？为身痛耶？”

王即答言：“我今身心岂得不痛？我父先王慈爱仁¹³³恻，特见矜念，实无过¹³⁴咎，往问相师，相师答言：‘是儿生已，定当害父。’虽闻是语，犹见瞻¹³⁵养。曾闻智者作如是言：‘若人通母、污¹³⁶比丘尼、偷僧祇物、害¹³⁷发无上菩提心人¹³⁸及杀其父¹³⁹，如是之人必¹⁴⁰定当堕阿鼻地狱。’我今身心岂得不痛？”

大臣复言：“唯愿大王且莫愁苦。如其父王，修解脱者，害则有罪；若治国法，杀则无罪。大王！非法者，名为无法；无法者，名为无罪¹⁴¹。譬如无子，名为无子；又如恶子，亦名无子¹⁴²，虽言无子，实非无子。如食无盐，名为无盐；食若少盐，亦名无盐。如河无水，名为无水；若有

¹³³ 大正藏：流

¹³⁴ 大正藏：辜

¹³⁵ 大正藏：瞻

¹³⁶ 大正藏：及

¹³⁷ 大正藏：杀

¹³⁸ 大正藏：者

¹³⁹ 大正藏：害及其父；永乐北藏及龙藏：及杀其父

¹⁴⁰ 大正藏：毕

¹⁴¹ 大正藏：法

¹⁴² 大正藏：亦如恶子，名之无子；永乐北藏及龙藏：又如恶子，亦名无子

少水，亦名无水。如念念灭，名曰¹⁴³无常；虽住一劫，亦名无常。如人受苦，名为无乐；虽受少乐，亦名无乐。如不自在，名为¹⁴⁴无我；虽少自在，亦名无我。如闇夜时，名为¹⁴⁵无日；云雾之时，亦言无日。大王！虽言少法名为无法，实非无法。愿王留神听臣所说，一切众生皆有余业，以业缘故，数受生死。若使先王有余业者，王今害之¹⁴⁶竟有何罪？唯愿大王宽意莫愁。何以故？

若常愁苦 愁遂增长
如人喜眠 眠则滋多
贪淫嗜酒 亦复如是

“如王所言‘世无良医治身心’者，今有大师，名珊¹⁴⁷阇耶毗罗胝子，一切知见，其智深广¹⁴⁸犹如大海，有大威德，具大神通，能令众生离诸疑网。一切众生不知、见、觉，唯是一人独知、见、觉。今者近在王舍城住，为诸弟子说如是法：‘一切众中，若是王者，自在随意造作善恶，虽为众恶悉无有罪。如火烧物，无净不净；王亦如是，与火同性。譬如大地，净秽普载，虽为是事，

¹⁴³ 大正藏：亦言；永乐北藏及龙藏：名曰

¹⁴⁴ 大正藏：之

¹⁴⁵ 大正藏：之

¹⁴⁶ 大正藏：今王杀之；永乐北藏及龙藏：王今害之

¹⁴⁷ 大正藏：删

¹⁴⁸ 大正藏：渊深；永乐北藏及龙藏：深广

初无瞋喜；王亦如是，与地同性。譬如水性，净秽俱洗，虽为是事，亦无忧喜；王亦如是，与水同性。譬如风性，净秽等吹，虽为是事，亦无忧喜；王亦如是，与风同性。如秋杙¹⁴⁹树，春则还生，虽复杙¹⁵⁰斫，实无有罪。一切众生亦复如是，此间命终，还生此间¹⁵¹。以还生故，当有何罪？一切众生苦乐果报，悉皆不由现在世业，因在过去，现在受果；现在无因，未来无果。以现果故，众生持戒，勤修精进，遮现恶果。以持戒故，则得无漏；得无漏故，尽有漏业；以尽业故，众苦得尽；众苦尽故，便¹⁵²得解脱。’唯愿大王速往其所，令其疗治身心苦痛。王若见者，众罪得¹⁵³除。”

王即答言：“审有是师能除我罪，我当归依。”

复有一臣，名悉知义，复¹⁵⁴至王所作如是言：“王今何故形不端严？如失国者、如泉枯涸、池无莲华、树无枝¹⁵⁵叶、破戒比丘身无威德。为身痛耶？为心痛乎？”

¹⁴⁹ 大正藏：髡

¹⁵⁰ 大正藏：髡

¹⁵¹ 大正藏：还此间生；永乐北藏及龙藏：还生此间

¹⁵² 大正藏：故

¹⁵³ 大正藏：除

¹⁵⁴ 大正藏：即

¹⁵⁵ 大正藏：华

王即答言：“今我¹⁵⁶身心岂得无痛？我父先王慈惻流念，而¹⁵⁷我不孝，不知报恩，常以安乐安乐于我，而我背恩，反断其乐。先王无过¹⁵⁸，横兴逆害。我亦曾闻智者说言：‘若有害父，当于无量阿僧祇劫受大苦恼。’我今不久必堕地狱，又无良医救疗我罪。”

大臣即言：“唯愿大王放舍愁苦。王不闻耶？昔者有王，名曰罗摩，害其父已，得绍王位。跋提大王、毗楼真王、那睺沙王、迦帝迦王、毗舍佉王、月光明王、日光明王、爱王、持多人王，如是等王皆害其父，得绍王位，然无一王入地狱者。于今现在，毗琉璃王、优陀耶¹⁵⁹王、恶性王、鼠王、莲华王，如是等王皆害其父，悉无一王生愁恼者。虽言地狱、饿鬼、天中，谁有见者？大王！唯有二有：一者、人道，二者、畜生。虽有是二，非因缘生，非因缘死。若非因缘，何有善恶？唯愿大王勿怀愁怖。何以故？

若常愁苦 愁遂增长
如人喜眠 眠则滋多
贪淫嗜酒 亦复如是

¹⁵⁶ 大正藏：我今；永乐北藏及龙藏：今我

¹⁵⁷ 大正藏：然

¹⁵⁸ 大正藏：辜

¹⁵⁹ 大正藏：那

“如王所言‘世无良医治身心’者，今有大师，名阿耆多翅舍钦婆罗，一切知见，观金与土平等无二；刀斫右肋，栴檀涂左¹⁶⁰，于此二人心无差别；等视怨亲，心无异相。此师真是世之良医，若行若立，若坐若卧，常在三昧，心无分散。告诸弟子作如是言：‘若自作，若教他作；若自斫，若教他斫；若自炙，若教他炙；若自害、若教他害；若自偷、若教他偷；若自淫、若教他淫；若自妄语、若教他妄语；若自饮酒、若教他饮酒；若杀一村、一城、一国，若以刀轮杀一切众生；若恒河以¹⁶¹南布施众生，恒河以¹⁶²北杀害众生，悉无罪福，无施、戒、定。’今者近在王舍城住，愿王速往。王若见者，众罪除灭。”

王语大臣¹⁶³：“审能如是除灭我罪，我当归依。”

复有大臣，名曰基德，复往王所，作如是言：“王今何故面无光泽？如日中灯、如昼时月、如失国君、如荒败土。大王！今者四方清夷，无诸怨敌，而今何故如是愁苦？为身苦耶？为心苦乎？有诸王子常生此念：‘我今何时当得自在？’大

¹⁶⁰ 大正藏：左涂栴檀；永乐北藏及龙藏：栴檀涂左

¹⁶¹ 大正藏：已

¹⁶² 大正藏：已

¹⁶³ 大正藏：王言：“大臣；永乐北藏及龙藏：王语大臣

王！今者已果所愿，自在王领摩伽陀国，先王宝藏具足而得，唯当快意纵情受乐，如是愁苦何用经怀？”

王即答言：“我今云何得不愁恼？譬如愚人¹⁶⁴，但贪其味，不见利刀；如食杂毒，不见其过；我亦如是。如鹿见草，不见深窞；如鼠贪食，不见猫狸；我亦如是，见现在乐，不见未来不善苦果。曾从智者闻如是言：‘宁于一日受三百矛¹⁶⁵，不于父母生一念恶。’我今已近地狱炽火，云何当得不愁恼耶？”

大臣复言：“谁来诳王言有地狱？如刺头尖¹⁶⁶，谁之所造？飞鸟异色¹⁶⁷，复谁所作？水性润泽¹⁶⁸、石性坚硬、如风动性、如火热性，一切万物自死自生，谁之所作？言地狱者，直是智者文词¹⁶⁹造作。言地狱者，为有何义？臣当说之。地者名地，狱者名破，破于地狱无有罪报，是名地狱。又复，地者名人，狱者名天，以其害父¹⁷⁰，故到人天。以是义故，婆薮仙人唱言：‘杀羊得

¹⁶⁴ 大正藏：大臣，譬如愚人；永乐北藏及龙藏：譬如愚人

¹⁶⁵ 大正藏：穢

¹⁶⁶ 大正藏：利

¹⁶⁷ 大正藏：色异；永乐北藏及龙藏：异色

¹⁶⁸ 大正藏：渍

¹⁶⁹ 大正藏：辞

¹⁷⁰ 大正藏：以害其父；永乐北藏及龙藏：以其害父

人天乐，是名地狱。’又复，地者名命，狱者名长，以杀生故，得寿命长，故名地狱。大王！是故当知实无地狱。

“大王！如种麦得麦，种稻得稻，杀地狱者还得地狱，杀害于人应还得人。大王！今当听臣所说，实无杀害。若有我者，实亦无害；若无我者，复无所害。何以故？若有我者，常不变易；以常住故，不可杀害，不破不坏，不系不缚，不瞋不喜，犹如虚空。云何当有杀害之罪？若无我者，诸法无常；以无常故，念念坏灭；念念灭故，杀者、死者皆念念灭。若念念灭，谁当有罪？大王！如火烧木，火则无罪；如斧斫树，斧亦无罪；如镰¹⁷¹刈草，镰实无罪。如刀杀人，刀实非人，刀既无罪，人云何罪？如毒杀人，毒实非人，毒药无罪，人云何罪？一切万物皆亦如是，实无杀害，云何有罪？唯愿大王莫生愁苦。何以故？

若常愁苦 愁遂增长

如人喜眠 眠则滋多

贪淫嗜酒 亦复如是

如王所言‘世无良医治恶业’者，今有大师，名迦罗鸠驮迦旃延，一切知见，明了三世，于一

¹⁷¹ 大正藏：镰

念顷能见无量无边世界，闻声亦尔，能令众生远离过恶。犹如恒河，若内若外，所有诸罪皆悉清净；是大良师亦复如是，能除众生内外众罪。为诸弟子说如是法：‘若人杀害一切众生，心无惭愧，终不堕恶，犹如虚空不受尘水，有惭愧者即入地狱，犹如大水润湿于地。一切众生悉是自在天之所作，自在天喜，众生安乐；自在天瞋，众生苦恼。一切众生若罪若福，乃是自在之所为作¹⁷²，云何当言人有罪福？譬如工匠作机关木人，行住坐卧，唯不能言；众生亦尔。自在天者，譬如工匠；木人者，譬¹⁷³众生身。如是造化，谁当有罪？’如是大师，今者近在王舍城住，唯愿速往。若得¹⁷⁵见者，众罪消灭。”

王即答言：“审有是人能灭我罪，我当归依。”

复有一臣，名无所畏，往至王所，说如是言：“大王！世有愚人，一日之中百喜百愁、百眠百寤、百惊百哭，有智之人悉¹⁷⁶无是事。大王！何故忧愁如是？如失侣客、如堕深泥无救拔者、如人渴乏不得浆水、犹如迷人无有导者、如困病人

¹⁷² 大正藏：乃是自在天之所为；永乐北藏及龙藏：乃是自在之所为作

¹⁷³ 大正藏：喻

¹⁷⁴ 大正藏：喻

¹⁷⁵ 大正藏：如其；永乐北藏及龙藏：若得

¹⁷⁶ 大正藏：斯

无医救疗、如海船破无救接者。大王！今者为身痛耶？为心痛乎？”

王即答言：“我今身心岂得不痛？我近恶友，不观口过，先王无罪¹⁷⁷，横兴逆害。我今定知当入地狱，复无良医而见救济。”

臣即白言：“唯愿大王莫生愁毒。夫刹利者，名为王种。若为国王¹⁷⁸、若为沙门及婆罗门、为安人民，虽复杀害，无有罪也。先王虽复恭敬沙门，不能承事诸婆罗门，心无平等，无平等故，则非刹利。大王今者为欲供养诸婆罗门，杀害先王，当有何罪？大王！实无杀害。夫杀害者，杀害寿命。命名风气。风气之性不可斩¹⁷⁹害，云何害命而当有罪？唯愿大王莫复愁苦。何以故？

若常愁苦 愁遂增长

如人喜眠 眠则滋多

贪淫嗜酒 亦复如是

“如王所言‘世无良医能¹⁸⁰疗治’者，今有大师，名尼犍¹⁸¹若提子，一切知见，怜悯众生，善知众生诸根利钝，达解一切，随宜方便，世间

¹⁷⁷ 大正藏：辜

¹⁷⁸ 大正藏：土

¹⁷⁹ 大正藏：杀

¹⁸⁰ 大正藏：而

¹⁸¹ 大正藏：尼乾陀；永乐北藏及龙藏：尼犍

八法所不能污，寂静修习清净梵行。为诸弟子说如是言：‘无施无善，无父无母，无今世后世，无阿罗汉，无修无道。一切众生经八万劫，于生死轮自然得脱，有罪无罪悉亦如是。如四大河，所谓辛头、恒河、博叉、私陀，悉入大海，无有差别；一切众生亦复如是，得解脱时，悉无差别。是师今在王舍城住，唯愿大王速往其所。若得见者，众罪消除。’

王即答言：“审有是师能除我罪，我当归依。”

尔时，大医名曰耆婆，往至王所，白言：“大王！得安眠不？”

王以偈答¹⁸²：

若有能永断 一切诸烦恼
不贪染三界 乃得安隐眠
若得大涅槃 演说甚深义
名真婆罗门 乃得安隐眠
身无诸恶业 口离于四过
心无有疑网 乃得安隐眠
身心无热恼 安住寂静处
获致无上乐 乃得安隐眠
心无有取著 远离诸怨讎

¹⁸² 大正藏：王以偈答言；永乐北藏及龙藏：王以偈答

常和无诤讼 乃得安隐眠
若不造恶业 心常怀惭愧
信恶有果报 乃得安隐眠
敬养于父母 不害一生命
不盗他财物 乃得安隐眠
调伏于诸根 亲近善知识
破坏四魔众 乃得安隐眠
不见吉不吉 及以苦乐等
为诸众生故 轮转于生死
若能如是者 乃得安隐眠
谁得安隐眠 所谓诸佛是
深观空三昧 身心安不动
谁得安隐眠 所谓慈悲者
常修不放逸 视众如一子
众生无明冥 不见烦恼果
常造诸恶业 不得安隐眠
若为于自己¹⁸³ 及以他人身
造作十恶业 不得安隐眠
若言为乐故 害父无过咎
随顺¹⁸⁴ 恶知识 不得安隐眠

183 大正藏：身

184 大正藏：是

若食过节度 冷饮而过差
如是则病苦 不得安隐眠
若于王有过 邪念他妇女
及行旷¹⁸⁵路者 不得安隐眠
持戒果未熟 太子未绍位
盗者未获财 不得安隐眠

“耆婆，我今病重，于正法王兴恶逆害，一切良医、妙药、呪术、善巧、瞻病所不能治。何以故？我父先¹⁸⁶王如法治国，实无过¹⁸⁷咎，横加逆害。如鱼处陆，当有何乐？如鹿在弮，初无欢心；如人自知命不终日；如王失国，逃进他土；如人闻病不可疗治；如破戒者闻说罪过。我昔曾闻智者说言：‘身、口、意业若不清净，当知是人必堕地狱。’我今¹⁸⁸如是，云何当得安隐眠耶？今我又无无上大医演说法药，除我病苦。”

耆婆答言：“善哉！善哉！王虽作罪，心生重悔而怀惭愧。大王！诸佛世尊常说是言：‘有二白法能救众生：一，惭；二，愧。’惭者，自不作罪；愧者，不教他作。惭者，内自羞耻；愧者，发露向人。惭者，羞人；愧者，羞天。是名

¹⁸⁵ 大正藏：圻

¹⁸⁶ 大正藏：法

¹⁸⁷ 大正藏：辜

¹⁸⁸ 大正藏：亦

惭愧。无惭愧者，不名为人，名为畜生。有惭愧故，则能恭敬父母、师长；有惭愧故，说有父母、兄弟、姊妹。善哉！大王！具有惭愧。

“大王且听，臣闻佛说：‘智者有二：一者，不造诸恶；二者，作已忏悔。愚者亦二：一者，作罪；二者，覆藏。’虽先作恶，后能发露，悔已惭愧，更不敢作。犹如浊水置之明珠，以珠威力，水即为清。亦如¹⁸⁹云除，月则清明。作恶能悔亦复如是。王若忏悔怀惭愧者，罪则¹⁹⁰除灭，清净如本。

“大王！富有二种：一者，象马种种畜生；二者，金银种种珍宝。象马虽多，不敌一珠。大王！众生亦尔，一者，恶富；二者，善富。多作诸恶，不如一善。臣闻佛说：‘修一善心破百种恶。’大王！如少金刚能坏须弥，亦如少火能烧一切，如少毒药能害众生，少善亦尔，能破大恶。虽名少善，其实是大。何以故？破大恶故。

“大王！如佛所说：‘覆藏者漏，不覆藏者则无有漏。发露悔过，是故不漏。若作众罪不覆不藏，以不覆故，罪则微薄；若悔¹⁹¹惭愧，罪则

¹⁸⁹ 大正藏：如烟；永乐北藏及龙藏：亦如

¹⁹⁰ 大正藏：即

¹⁹¹ 大正藏：怀

消灭。’大王！如水滲虽微，渐盈大器；善心亦尔，一一善心能破大恶。若覆罪者，罪则增长；发露惭愧，罪则消灭。是故，诸佛说：‘有智者，不覆藏罪。’

“善哉！大王！能信因果、信业、信报。唯愿大王莫怀愁怖。若有众生造作诸罪，覆藏不悔，心无惭愧，不见因果及以业报，不能咨启有智之人，不近善友，如是之人，一切良医乃至瞻病所不能治。如迦摩罗病，世医拱手；覆罪之人亦复如是。云何罪人？谓一阐提。一阐提者，不信因果，无有惭愧，不信业报，不见现在及未来世，不亲善友，不随诸佛所说教戒¹⁹²。如是之人，名一阐提，诸佛世尊所不能治。何以故？如世死尸，医不能治。一阐提者亦复如是，诸佛世尊所不能治。大王今者非一阐提，云何而言不可救疗？

“如王所言无能治者。大王当知，迦毗罗城净饭王子，姓瞿昙氏，字悉达多，无师觉悟，自然而得阿耨多罗三藐三菩提。三十二相、八十种好庄严其身，具足十力、四无所畏、一切知见、大慈大悲，怜悯一切如罗睺罗，随善众生如犊逐母，知时而说，非时不语，实语、净语、妙语、

¹⁹² 大正藏：诚

义语、法语、一语，能令众生永离烦恼。善知众生诸根心性，随宜方便无不通达。其智高大如须弥山，深邃广远犹如大海。是佛世尊有金刚智，能破众生一切恶罪。若言不能，无有是处。

“今者去此十二由旬，在拘尸城¹⁹³娑罗双树间，广¹⁹⁴为无量阿僧祇等诸菩萨僧演种种法：‘若有若无；若有为若无为；若有漏若无漏；若烦恼果若善法果；若色法若非色法，若非色非非色法；若我若非我，若非我非非我；若常若非常，若非常非非常；若乐若非乐，若非乐非非乐；若相若非相，若非相非非相；若断若非断，若非断非非断；若世若出世，若非世非出世；若乘若非乘，若非乘非非乘；若自作自受，若自作他受，若无作无受。’大王！若当于佛所闻无作无受，所有重罪即当消灭。

“王今且听，释提桓因命将欲终有五相现：一者，衣裳垢腻；二者，头上华萎；三者，身体臭秽；四者，腋下汗出；五者，不乐本座。时，天帝释或于静处，若见沙门若婆罗门，即至其所而生佛想¹⁹⁵。尔时，沙门及婆罗门见帝释来，深

¹⁹³ 大正藏：拘尸那城；永乐北藏及龙藏：拘尸城

¹⁹⁴ 大正藏：而

¹⁹⁵ 大正藏：生于佛想；永乐北藏及龙藏：而生佛想

自庆幸，即说是语：‘天主！我今归依于汝。’释闻是已，乃知非佛，复自念言：‘彼若非佛，不能治我五退没相。’是时御臣，名般遮尸，语帝释言：‘憍尸迦！乾闥婆王名敦浮楼，其王有女，字须跋陀。王若能以此女见与，臣当示王除衰相处。’释即答言：‘善男子，毗摩质多阿修罗王有女舍脂，是吾所敬。卿若必能示吾消灭恶相处者，犹当相与，况须跋陀？’‘憍尸迦！有佛世尊字释迦牟尼，今者在于王舍大城。若能往彼咨禀未闻，衰没之相必得除灭。’‘善男子，若佛世尊审能灭者，便可回驾至其住处。’

“御臣奉命，即回车乘到王舍城耆闍崛山，至于佛所，头面礼足，却住¹⁹⁶一面，释提桓因白佛言¹⁹⁷：‘世尊！天人之中谁为系缚？’答言：‘憍尸迦¹⁹⁸，慳、贪、嫉、妬。’又言：‘慳、贪、嫉、妬，因何而生？’答言：‘因无明生。’又言：‘无明复因何生？’答言：‘因放逸生。’又言：‘放逸复因何生？’答言：‘因颠倒生。’又言：‘颠倒复因何生？’答言：‘因疑心生。’‘世尊！颠倒之法因疑生者，实如佛¹⁹⁹教。何以故？我有疑

¹⁹⁶ 大正藏：坐

¹⁹⁷ 大正藏：白佛言；永乐北藏及龙藏：释提桓因白佛言

¹⁹⁸ 大正藏：‘憍尸迦；永乐北藏及龙藏：答言：‘憍尸迦

¹⁹⁹ 大正藏：圣

心，以疑心故则生颠倒，于非世尊生世尊想。我今见佛，疑网即除；疑网除故，颠倒亦尽；颠倒尽故，无有慳心乃至妬心。’佛言：‘汝言无有慳、妬心者，汝今已得阿那含耶？阿那含者，无有贪心。若无贪心，云何为命来至我所？如阿那含，实不求命。’‘世尊！有颠倒者则有求命，无颠倒者则不求命。然我今者实不求命，所欲求者，唯佛法身及佛智慧。’‘憍尸迦！求佛法身及佛慧者²⁰⁰，将来之世必当得之。’

“尔时，帝释闻佛说已，五衰没相即时消灭，便起作礼，绕佛三帀，恭敬合掌而白佛言：‘世尊！我今即死即生，失命得命，从佛闻²⁰¹记当得阿耨多罗三藐三菩提，是为更生！为更得命！世尊！一切人天云何增益？复以何缘而致损减？’

‘憍尸迦！鬪诤因缘人天损减，善修和敬则得增益。’‘世尊！若以鬪诤而损减者，我从今日更不复与阿修罗战。’佛言：‘善哉！善哉！憍尸迦，诸佛世尊说忍辱法是阿耨多罗三藐三菩提因。’尔时，释提桓因即前礼佛，于是还去。

“大王！如来以能除诸恶相，是故称佛不可

²⁰⁰ 大正藏：佛智慧；永乐北藏及龙藏：佛慧者

²⁰¹ 大正藏：又闻佛；永乐北藏及龙藏：从佛闻

思议。王若往者，所有重罪必当得除。

“大王且听！有婆罗门子，字曰不害，以杀无量诸众生故，名鸯崛魔。复欲害母，恶心起时，身亦随动，身心动者即五逆因，五逆因故，必堕地狱。后见佛时，身心俱动，复欲生害，身心动者即五逆因，五逆因故，当入地狱。是人得遇如来大师，即时得灭地狱因缘，发阿耨多罗三藐三菩提心。是故称佛为无上医，非六师也。

“大王！复有须毗罗王子，其父瞋之，截其手足，推之深井。其母矜悯，使人牵出，将至佛所。即²⁰²见佛时，手足还具，便²⁰³发阿耨多罗三藐三菩提心。大王！以见佛故，得现果报。是故称佛为无上医，非六师也。

“大王！如恒河边有诸饿鬼，其数五百，于无量岁初不见水。虽至河上，纯见流火，饥渴所逼，发声号哭。尔时，如来在于²⁰⁴河侧郁昙钵林坐一树下。时，诸饿鬼来至佛所，白言²⁰⁵：‘世尊！我等饥渴，命将不久²⁰⁶。’佛言：‘恒河流水，何故不饮²⁰⁷？’诸鬼²⁰⁸答言：‘如来见水，我则

²⁰² 大正藏：寻

²⁰³ 大正藏：即

²⁰⁴ 大正藏：其

²⁰⁵ 大正藏：白佛言；永乐北藏及龙藏：白言

²⁰⁶ 大正藏：远

²⁰⁷ 大正藏：汝何不饮；永乐北藏及龙藏：何故不饮

见火。’佛言：‘恒河清流，实非²⁰⁹火也。汝²¹⁰恶业故，心自颠倒，谓为是火。我当为汝除灭颠倒，令汝见水。’尔时，世尊广为诸鬼说慳贪过。诸鬼复²¹¹言：‘我今渴乏，虽闻法言都不入心。’佛言：‘汝若渴乏，先可入河²¹²恣意饮之。’是诸鬼等以佛力故即得饮水。既饮水已，如来复为种种说法。既闻法已，悉发阿耨多罗三藐三菩提心，舍饿鬼形，而得²¹³天身。大王！是故称佛为无上医，非六师也。

“大王！舍婆提国群贼五百，波斯匿王挑出其目，无有²¹⁴前导，不能得往至于佛所。佛怜悯故，即到其前²¹⁵慰喻之言：‘善男子，善护身、口，勿更²¹⁶造恶。’诸贼尔²¹⁷时闻如来音微妙清彻，寻还得眼，即于佛前合掌礼佛而白佛言：‘世尊！我今知佛慈心普覆一切众生，非独人、天。’尔时，如来即为说法，既闻法已，悉发阿耨多罗三藐三菩提心。是故，如来真是世间无上良医，非

²⁰⁸ 大正藏：鬼即；永乐北藏及龙藏：诸鬼

²⁰⁹ 大正藏：无

²¹⁰ 大正藏：以

²¹¹ 大正藏：即

²¹² 大正藏：先入河水；永乐北藏及龙藏：先可入河

²¹³ 大正藏：得于；永乐北藏及龙藏：而得

²¹⁴ 大正藏：盲无；永乐北藏及龙藏：无有

²¹⁵ 大正藏：即至贼所；永乐北藏及龙藏：即到其前

²¹⁶ 大正藏：更勿；永乐北藏及龙藏：勿更

²¹⁷ 大正藏：即

六师也。

“大王！舍婆提国有旃陀罗，名曰气嘘，杀无量人。见佛弟子大目犍²¹⁸连，即时得破地狱因缘，而得上生三十三天。以有如是圣弟子故，称佛如来为无上医，非六师也。

“大王！波罗奈²¹⁹城有长者子，名阿逸多，通其母故而杀其父²²⁰，母更外通寻复害之²²¹。有阿罗汉是其知识，于此知识生于²²²愧耻，即便杀之。杀已即到祇桓精舍，求欲出家。时，诸比丘具知此人有三逆罪，无敢听者。以不听故，倍生瞋恚，即于其夜放大²²³猛火焚烧僧坊，多杀无辜。然后复往王舍城中，至如来所，求哀出家。如来即听，与²²⁴说法要，令其重罪渐渐轻微，发阿耨多罗三藐三菩提心。是故，称佛为世良医，非六师也。

“大王本性暴恶²²⁵，信受恶人提婆达多，放大醉象欲令践佛。象既见佛，即时醒悟。佛便伸

²¹⁸ 大正藏：犍

²¹⁹ 大正藏：波罗捺城

²²⁰ 大正藏：淫匿其母，以是因缘杀戮其父；永乐北藏及龙藏：通其母故而杀其父

²²¹ 大正藏：其母复与外人共通，子既知己，便复杀之；永乐北藏及龙藏：母更外通寻复害之

²²² 大正藏：复生；永乐北藏及龙藏：生于

²²³ 大正藏：大放；永乐北藏及龙藏：放大

²²⁴ 大正藏：为

²²⁵ 大正藏：大王！王本性暴恶；永乐北藏及龙藏：大王本性暴恶

²²⁶手摩其頂上，復為說法，悉令得發阿耨多羅三藐三菩提心。大王！畜生見佛猶得破壞畜生業果，況復人耶？大王當知，若見佛者，所有重罪必當得滅。

“大王！世尊未得阿耨多羅三藐三菩提時，魔與無量無邊眷屬至菩薩所，菩薩爾時，以忍辱力壞魔惡心，令魔受法，尋發阿耨多羅三藐三菩提心，佛有如是大力功德力。

“大王！有曠野鬼多害眾生，如來爾時為善賢長者，至曠野村為其說法。時，曠野鬼聞法歡喜，即以長者授于如來，然後便發阿耨多羅三藐三菩提心。

“大王！波羅捺國有屠兒，名曰廣額，于日日中殺無量羊，見舍利弗即受八戒經一日夜，以是因緣，命終得為北方天王毗沙門子。如來弟子尚有如是大力功德果，況復佛耶²²⁷？

“大王！北天竺有城，名曰細石，其城有王，名曰龍印，貪國重位而殺其父²²⁸，殺²²⁹其父已，心生悔恨，即舍國政，來至佛所，求哀出家。佛言：‘善來。’即成比丘，重罪消滅，發阿耨多羅

²²⁶ 大正藏：申

²²⁷ 大正藏：也

²²⁸ 大正藏：戮害其父；永樂北藏及龍藏：而殺其父

²²⁹ 大正藏：害

三藐三菩提心。

“大王当知：佛有如是无量²³⁰大功德果。

“大王！如来有弟提婆达多，破坏众僧，出佛身血，害莲华比丘尼，作三逆罪。如来为说种种法要，令其重罪寻得微薄。是故，如来为大良医，非六师也。

“大王！若能信臣语者，唯愿速往至如来所。若不见信，愿善思之。

“大王！诸佛世尊大悲普覆，不限一人，正法弘广，无所不包，怨亲平等，心无憎爱，终不偏为一人令得阿耨多罗三藐三菩提，余人不得。如来非独四部之师，普是一切天、人、龙、鬼、地狱、畜生、饿鬼等师。一切众生亦当视佛如父母想。大王当知，如来不但独为豪贵²³¹跋提迦王而演说法，亦为下贱优波离等；不独偏受须达多阿那邠坻所奉供养²³²，亦受贫人须达多食；不但独为舍利弗等利根说法，亦为钝根周利²³³盘特；不但独听大迦叶等无贪之性出家求道，亦听大贪难陀出家；不但独听烦恼薄者优楼频螺、迦叶等出家求道，亦听烦恼深厚造重罪者波斯匿王弟修

²³⁰ 大正藏：无量无边；永乐北藏及龙藏：无量

²³¹ 大正藏：豪贵之人；永乐北藏及龙藏：豪贵

²³² 大正藏：饭食；永乐北藏及龙藏：供养

²³³ 大正藏：梨

²³⁴陀耶出家求道；不以莎²³⁵草恭敬供养拔其瞋根，鸯崛魔²³⁶罗恶心欲害舍而不救；不但独为有智男子而演说法，亦为极愚、判²³⁷合婚²³⁸者女人说法；不但独令出家之人得四道果，亦令在家得三道果；不但独为富多罗等舍诸忽务、闲寂思惟而说法要，亦为频婆娑罗王等统领国事、理王务者而说法要；不但独为断酒之人，亦为耽酒郁伽长者荒醉者说；不但独为入禅定者离婆多等，亦为丧子乱心婆罗门女婆斯²³⁹吒说；不但独为己之弟子，亦为外道尼犍²⁴⁰子说；不但独为盛壮之年二十五者，亦为衰老八十者说；不但独为根熟之人，亦为善根未熟者说；不但独为末利夫人，亦为淫女莲华女说；不但独受波斯匿王上馔甘味，亦受长者尸利鞞多杂毒之食。

“大王当知，尸利鞞多往昔亦作逆罪之因，以遇佛闻法，即发阿耨多罗三藐三菩提心。大王！假使一月常以衣食供养恭敬一切众生，不如有人一念念佛所得功德十六分一。大王！假使锻金为

²³⁴ 大正藏：优

²³⁵ 大正藏：紫

²³⁶ 大正藏：摩

²³⁷ 大正藏：胖

²³⁸ 大正藏：智

²³⁹ 大正藏：私

²⁴⁰ 大正藏：乾

人，车马载宝，其数各百以用布施，不如有人发心向佛举足一步。大王！假使复以象车百乘，载大秦国种种珍宝，及其女人身佩璎珞数亦满百，持用布施，犹故不如发心向佛举足一步。复置是事，若以四事供养三千大千世界所有众生，犹亦不如发心向佛举足一步。复置是事，若使大王供养恭敬恒河沙等无量众生，不如一往娑罗双树，到如来所，诚心听法。”

尔时，大王答耆婆言：“如来²⁴¹世尊性已调柔，故得调柔以为眷属。如栴檀林纯以栴檀而为围绕；如来清净，所有眷属亦复清净。犹如大龙纯以诸龙而为眷属；如来寂静，所有眷属亦复寂静；如来无贪，所有眷属亦复无贪；佛无烦恼，所有眷属亦无烦恼。吾今既是极恶之人，恶业缠裹，其身臭秽，系属地狱，云何当得至如来所？吾设往者，必²⁴²不顾念接绪²⁴³言说。卿虽劝吾令往佛所，然吾今日深自鄙悼，都无去心。”

尔时，空中²⁴⁴寻出声言：“无上佛法将欲衰殄，甚深法河于今²⁴⁵欲涸，大法明灯将灭不久，

²⁴¹ 大正藏：大王答言：“耆婆，如来；永乐北藏及龙藏：大王答耆婆言：“如来

²⁴² 大正藏：恐

²⁴³ 大正藏：叙

²⁴⁴ 大正藏：虚空；永乐北藏及龙藏：空中

²⁴⁵ 大正藏：是

法山欲颓，法船欲没²⁴⁶，法桥欲坏，法殿欲崩，法幢欲倒，法树欲折，善友欲去，大怖将至，法饿众生将至不久，烦恼疫病将欲流行，大闇时至，渴法时到²⁴⁷，魔王欣庆，解释甲冑，佛日将没大涅槃山。

“大王！佛若去世，王之重恶更无治者。大王！汝今已造阿鼻地狱极重之业，以是业缘，必受不疑。大王！阿者言无，鼻者名间，间无暂乐，故名无间。大王！假使一人独堕是狱，其身长大八万由旬，遍满其中，间无空处，其身周而受种种苦。设有多人，身亦遍满，不相妨阂。大王！寒地狱中，暂遇热风以之为乐；热地狱中，暂遇寒风亦以²⁴⁸为乐；有地狱中，设命终已，若闻活声即便还活。阿鼻地狱都无此事。大王！阿鼻地狱四面²⁴⁹有门，一一门外各有猛火，东、西、南、北交过通彻八万由旬，周而铁墙、铁网弥覆，其地亦铁，上火彻下，下火彻上。大王！若鱼在熬²⁵⁰，脂膏焦然；是中罪人亦复如是。大王！作一逆者，则便具受如是一罪；若造二逆，罪则二倍；

²⁴⁶ 大正藏：沈

²⁴⁷ 大正藏：来

²⁴⁸ 大正藏：名

²⁴⁹ 大正藏：方

²⁵⁰ 大正藏：鍊

五逆具者，罪亦五倍。大王！我今定知王之恶业必不得免，唯愿大王速往佛所，除佛世尊余无能救。我今悯汝，故相劝导。”

尔时，大王闻是语已，心怀怖惧，举身战栗，五体掉动如芭蕉树，仰而问²⁵¹曰：“天²⁵²为是谁？不现色像而但有声。”

“大王！吾是汝父频婆娑罗，汝今当随耆婆所说，莫随邪见六臣之言。”

时王闻已，闷绝躄地，身疮增剧，臭秽倍前，虽以冷药涂治将疗²⁵³，疮烝毒热但增无损。

大般涅槃经卷第十七

²⁵¹ 大正藏：答

²⁵² 大正藏：汝

²⁵³ 大正藏：涂而治之；永乐北藏及龙藏：涂治将疗

大般涅槃经卷第十八

北凉天竺三藏昙无讖译 梵

宋沙门慧严慧观同谢灵运再治

梵行品第二十之五²⁵⁴

尔时，世尊在双树间见阿阇世闷绝躄地，即告大众：“我今当为是王，住世至无量劫不入涅槃。”

迦叶菩萨白佛言：“世尊！如来当为无量众生不入涅槃，何故独为阿阇世王？”

佛言：“善男子，是大众中，无有一人谓我必²⁵⁵定入于涅槃。阿阇世王定谓我当毕竟永灭，是故闷绝，自投于地。

“善男子，如我所言为阿阇世不入涅槃，如是密义，汝未能解。何以故？我言为者，一切凡夫；阿阇世者，普及一切造五逆者。又复为者，即是一切有为众生，我终不为无为众生而住于世。何以故？夫无为者，非众生也。阿阇世者，即是具足烦恼等者。又复为者，即是不见佛性众生。

²⁵⁴ 大正藏：梵行品之第五

²⁵⁵ 大正藏：毕

若见佛性，我终不为久住于世。何以故？见佛性者，非众生也。阿阇世者，即是一切未发阿耨多罗三藐三菩提心者。又复为者，即是阿难、迦叶二众。阿阇世者，即是阿阇世王后宫妃后及王舍城一切妇女。又复为者，名为佛性；阿阇者²⁵⁶，名为不生；世者，名怨。以不生佛性故，则烦恼怨生；烦恼怨生故，不见佛性。以不生烦恼故，则见佛性；以见佛性²⁵⁷，则得安住大般涅槃，是名不生。是故，名为为阿阇世²⁵⁸。善男子，阿阇者，名不生；不生者，名涅槃；世，名世法；为者，名不污，以世八法所不污故，无量无边阿僧祇劫不入涅槃。是故，我言为阿阇世无量亿劫不入涅槃。

“善男子，如来密语不可思议，佛、法、众僧亦不可思议，菩萨摩訶萨亦不可思议，大涅槃经亦不可思议。”

尔时，世尊大悲导师，为阿阇世王入月爱三昧，入三昧已，放大光明。其光清凉，往照王身，身疮即愈，郁蒸除灭。王觉疮愈，身体清凉，语耆婆言：“曾闻人说：‘劫将欲尽，三月并现，当

²⁵⁶ 大正藏：言阿阇者；永乐北藏及龙藏：阿阇者

²⁵⁷ 大正藏：以见佛性故；永乐北藏及龙藏：以见佛性

²⁵⁸ 大正藏：（名为）为阿阇世；永乐北藏及龙藏：名为为阿阇世

尔²⁵⁹之时，一切众生患苦悉除。’时既未至，此光何来照触吾身，疮苦除愈，身得安乐？”

耆婆答言：“此非劫尽三月并照，亦非火日、星宿、药草、宝珠天光。”

王又问言：“此光若非三月并照、宝珠明者，为是谁光？”

“大王当知，是天中天所放光明。是光无根无有边际，非热非冷，非常非灭，非色非无色，非相非无相，非青非黄、非赤非白，欲度众生故使可见、有相可说、有根有边、有热有冷、青黄赤白。大王，是光虽尔，实不可说，不可睹见，乃至无有青黄赤白。”

王言：“耆婆，彼天中天以何因缘放斯光明？”

耆婆答言：“今是瑞相将为大王。以王先言：‘世无良医疗治身心。’故放此光，先治王身，然后及心。”

王言：“耆婆，如来世尊亦见念耶？”

耆婆答言：“譬如一人而有七子，是七子中，一子遇病，父母之心非不平等，然于病子心则偏重²⁶⁰。大王！如来亦尔，于诸众生非不平等，然

²⁵⁹ 大正藏：是

²⁶⁰ 大正藏：多

于罪者心则偏重。于放逸者，则生²⁶¹慈念；不放逸者，心则放舍。何等名为不放逸者？谓六住菩萨。大王！诸佛世尊于诸众生不观种姓、老少中年、贫富、时节、日月星宿、工巧、下贱、僮仆婢使，唯观众生有善心者。若有善心，则便慈念。大王当知，如是瑞相即是如来入月爱三昧所放光明。”

王即问言：“何等名为月爱三昧？”

耆婆答言：“譬如月光，能令一切优钵罗华开敷鲜明；月爱三昧亦复如是，能令众生善心开敷。是故，名为月爱三昧。

“大王！譬如月光，能令一切行路之人心生欢喜；月爱三昧亦复如是，能令修习涅槃道者，心生欢喜。是故，复名月爱三昧。

“大王！譬如月光，从初一日至十五日，形色光明渐渐增长。月爱三昧亦复如是，令初发心诸善根本渐渐增长，乃至具足大般涅槃。是故，复名月爱三昧。

“大王！譬如月光从十六日至三十日，形色光明渐渐损减。月爱三昧亦复如是，光所照处，

²⁶¹ 大正藏：佛则；永乐北藏及龙藏：则生

所有烦恼能令渐灭²⁶²。是故，复名月爱三昧。

“大王！如盛热时²⁶³，一切众生常思月光；月光既照，郁热即除。月爱三昧亦复如是，能令众生除贪恼热。

“大王！譬如满月，众星中王，为甘露味，一切众生之所爱乐。月爱三昧亦复如是，诸善中王，为甘露味，一切众生之所爱乐。是故，复名月爱三昧。”

王语耆婆：“我闻如来不与恶人同止坐起、语言谈论，犹如大海不宿死尸，如鸳鸯鸟不住圜厕，释提桓因不与鬼住，鸠翅罗鸟不栖枯树，如来亦尔。我当云何而得往见？设令²⁶⁴见者，我身将无²⁶⁵陷入地耶？我观如来宁近醉象、师子、虎、狼、猛火绝焰，终不接近²⁶⁶重恶之人。是故，我今思惟如是²⁶⁷，当有何心往见如来？”

耆婆答言：“大王！譬如渴人速赴清泉、饥者求食、怖者求救、病者求医²⁶⁸、热者求凉²⁶⁹、寒者求衣²⁷⁰，王今求佛亦应如是。大王！如来尚

²⁶² 大正藏：减

²⁶³ 大正藏：譬如盛热之时；永乐北藏及龙藏：如盛热时

²⁶⁴ 大正藏：其

²⁶⁵ 大正藏：不

²⁶⁶ 大正藏：近于；永乐北藏及龙藏：接近

²⁶⁷ 大正藏：思忖是已；永乐北藏及龙藏：思惟如是

²⁶⁸ 大正藏：病求良医；永乐北藏及龙藏：病者求医

²⁶⁹ 大正藏：热求荫凉；永乐北藏及龙藏：热者求凉

²⁷⁰ 大正藏：火

为一阐提等演说法要，何况大王非一阐提而当不蒙慈悲救济？”

王言：“耆婆，我昔曾闻：‘一阐提者，不信、不闻、不能观察、不得义理。’何故如来而为说法？”

耆婆答言：“大王！譬如有人，身遇重病，是人夜梦升一柱殿，服酥²⁷¹油脂及以涂身，卧灰食灰，攀上枯树。或与猕猴游行坐卧、沈水没泥，堕坠楼殿、高山、树木，象马牛羊身著青黄赤黑色衣，喜笑歌舞。或见乌鸢狐狸之属，齿发堕落，裸形枕狗，卧粪秽中。复与亡者行住坐起，携手食啖²⁷²，毒蛇满路而从中过。或复梦与被发女人共相抱持，多罗树叶以为衣服，乘坏驴车正南而游。是人梦已，心生愁恼，以愁恼故，身病转²⁷³增。以病增故，诸家亲属遣使请²⁷⁴医。所可遣使，形体缺短，根不具足，头蒙尘土，著弊坏衣，载故坏车，语彼医言：‘速疾上车。’尔时，良医即自思惟：‘今见是使相貌不吉，当知病者难可疗治。’复作是念：‘使虽不吉，当复²⁷⁵占日，为可

²⁷¹ 大正藏：苏

²⁷² 大正藏：噉

²⁷³ 大正藏：愈

²⁷⁴ 大正藏：命

²⁷⁵ 大正藏：复当：永乐北藏及龙藏：当复

治不？若四日、六日、八日、十二日、十四日，如是日者，病亦难治。’复作是念：‘日虽不吉，当复²⁷⁶占星，为可治不？若是火星、奎²⁷⁷星、昴星、阎罗王星、湿星、满星，如是星时，病亦难治。’复作是念：‘星虽不吉，复当观时。若是秋时、冬时及日入时、夜半时、月入时，当知是病亦难可治。’复作是念：‘如是众相虽复不吉，或定不定，当观病人，若有福德，皆可疗治；若无福德，虽吉何益？’思惟是已，寻与使俱，在路复念：‘若彼病者有长寿相则可疗治，短寿相者则不可治。’即于前路，见二小儿相牵斗诤，捉头拔发，瓦石、刀杖共相打擲²⁷⁸；见人持火，自然尽²⁷⁹灭；或见有人斫伐树木；或复见人手曳皮革，随路而行；或见道路有遗落物；或见有人执持空器；或见沙门独行无侣；复见虎、狼、乌鹫、野狐。见是事已，复作是念：‘所遣使人乃至道路所见诸相悉皆不祥，当知病者定难疗治。’复作是念：‘我若不往，则非良医²⁸⁰；如其往者，不可救疗。’复更念言：‘如是众相虽复不祥，且

²⁷⁶ 大正藏：复当：永乐北藏及龙藏：当复

²⁷⁷ 大正藏：金

²⁷⁸ 大正藏：撩打：永乐北藏及龙藏：打擲

²⁷⁹ 大正藏：殄

²⁸⁰ 大正藏：师

当舍置，往至病所。’思惟是已，复于前路闻如是声，所谓亡失、死丧、崩破、坏析²⁸¹、剥脱、堕坠、焚烧、不来，不可疗治、不能拔济。复闻南方有鸟兽声²⁸²，所谓乌鸢、舍利鸟声，若狗、若鼠、野狐、猪、兔。闻是声已，复作是念：‘当知病者难可疗治。’

“尔时，即入病人舍宅，见彼病人数寒数热，骨节疼痛，目赤流泪，耳声闻外，咽喉结痛，舌上裂破，其色正黑，头不自胜，体枯无汗，大小便利闭塞²⁸³不通，身卒肥大，红赤异常，语声不调²⁸⁴，或粗或细，举体斑驳，异色青黄，其腹胀满，言语不了。医见是已，问瞻病人²⁸⁵：‘病者昨来意志云何？’答言：‘大师！其人本来敬信三宝及以诸天，今者变异，敬信情息。本惠惠施，今者悭吝。本性少食，今则过多。本性敝恶，今则和善。本性慈孝、恭敬父母，今于父母无恭敬心。’医闻是已，即前嗅之，优钵罗香、沈水杂香、毕迦香²⁸⁶、多伽罗香、多摩罗跋香、郁金香、

²⁸¹ 大正藏：折

²⁸² 大正藏：飞鸟声：永乐北藏及龙藏：鸟兽声

²⁸³ 大正藏：拥隔：永乐北藏及龙藏：闭塞

²⁸⁴ 大正藏：均

²⁸⁵ 大正藏：言

²⁸⁶ 大正藏：毕迦多香：永乐北藏及龙藏：毕迦香

梅檀香，炙肉臭、蒲萄²⁸⁷酒臭、烧筋骨臭、鱼臭、粪臭。知香臭已，即前触身，觉身细软，犹如缁绵劫贝娑²⁸⁸华，或坚²⁸⁹如石，或冷如冰²⁹⁰，或热如火，或涩如沙。

“尔时，良医见如是等种种相已，定知病者必死不疑，然不定言是人当死。语瞻病者：‘吾今遽务，明当更来。随其所须，恣意勿禁²⁹¹。’即便还家。明日使到，复语使言：‘我事未讫，兼未合药。’智者当知，如是病者，必死不疑。

“大王！世尊亦尔，于一阐提辈善知根性而为说法。何以故？若不为说，一切凡夫当言：‘如来无大慈悲。’有慈悲者，名一切智；若无慈悲，云何说言一切智人？是故，如来为一阐提而演说法。

“大王！如来世尊见诸病者，常施法药。病者不服，非如来咎。

“大王！一阐提辈分别有二：一者，得现在善根；二者，得后世善根。如来善知一阐提辈能于现在得善根者，则为说法；后世得者，亦为说

²⁸⁷ 大正藏：蒲桃

²⁸⁸ 大正藏：紫

²⁸⁹ 大正藏：鞞

²⁹⁰ 大正藏：或冰如冷：永乐北藏及龙藏：或冷如冰

²⁹¹ 大正藏：遮

法，今虽无益，作后世因。是故，如来为一阐提演说法要。一阐提者复有二种：一者，利根；二者，中根。利根之人于现在世能得善根，中根之人后世则得。诸佛世尊不空说法。大王！譬如净人坠堕圜厕，有善知识见而悯之，寻前捉发拔之令出²⁹²。诸佛如来亦复如是，见诸众生堕三恶道，方便救济令得出离。是故，如来为一阐提而演说法。”

王语耆婆：“若使如来审如是者，明当选择良日吉星，然后乃往。”

耆婆白王：“如来法中²⁹³，无有选择良日吉星。大王！如重病人不择良日²⁹⁴、时节吉凶，唯求良医。王今病重，求佛良医不应选择良时好日。大王！如栴檀火及伊²⁹⁵兰火，二俱烧相，无有异也。吉日、凶日亦复如是，若至²⁹⁶佛所，俱得灭罪。唯愿大王今日速往。”

尔时，大王即命一臣名曰吉祥，而告之言：“大臣当知，吾今欲往佛世尊所，速办供养所须²⁹⁷之具。”

²⁹² 大正藏：而拔出之：永乐北藏及龙藏：拔之令出

²⁹³ 大正藏：大王，如来法中：永乐北藏及龙藏：如来法中

²⁹⁴ 大正藏：犹不看日：永乐北藏及龙藏：不择良日

²⁹⁵ 大正藏：苻

²⁹⁶ 大正藏：到

²⁹⁷ 大正藏：所须供养：永乐北藏及龙藏：供养所须

臣言：“大王！善哉！善哉！所须供具一切悉有。”

阿阇世王与其夫人，严驾辇²⁹⁸乘一万二千，巨力²⁹⁹大象其数五万，一一象上各有³⁰⁰三人，赍持旛盖、华香、妓³⁰¹乐，种种供具无不具³⁰²足，导从马骑有十八万，摩伽陀国所有人民寻从王者五十八万³⁰³。尔时，拘尸城³⁰⁴所有大众满十二由旬，悉皆遥见阿阇世王与其眷属寻路而来。

尔时，佛告诸大众言：“一切众生为阿耨多罗三藐三菩提近因缘者，无³⁰⁵先善友。何以故？阿阇世王若不随顺耆婆语者，来月七日必定命终堕阿鼻狱。是故，近因莫若善友。”

阿阇世王复于前路，闻舍婆提毗流离王乘船入海遇火而死，瞿伽离比丘生身入地至阿鼻狱，须那刹多作种种恶到于佛所众罪得灭。闻是语已，语耆婆言：“吾今虽闻如是二语³⁰⁶，犹未审定。汝来，耆婆，吾欲与汝同载一象。设我当入阿鼻地狱，冀汝捉持，不令我堕。何以故？吾昔曾闻

²⁹⁸ 大正藏：车

²⁹⁹ 大正藏：殊壮：永乐北藏及龙藏：巨力

³⁰⁰ 大正藏：载

³⁰¹ 大正藏：伎

³⁰² 大正藏：备

³⁰³ 大正藏：其数足满五十八万：永乐北藏及龙藏：五十八万

³⁰⁴ 大正藏：拘尸那城：永乐北藏及龙藏：拘尸城

³⁰⁵ 大正藏：莫

³⁰⁶ 大正藏：言

得道之人不入地狱。”

尔时，佛告诸大众言：“阿阇世王犹有疑意³⁰⁷，我今当为作决定心。”

尔时，会中有一菩萨，名持一切，白佛言：“世尊！如佛先说：‘一切诸法皆无定相，所谓色无定相乃至涅槃亦无定相。’如来今者云何而言为阿阇世作决定心？”

佛言：“善哉！善哉！善男子，我今定为阿阇世王作决定心。何以故？若王疑心可破坏者，当知诸法无有定相。是故，我为阿阇世王作决定心，当知是心为无定定³⁰⁸。善男子，若彼王心是决定者，王之逆罪云何可坏？以无定相，其罪可坏。是故，我为阿阇世王作决定心。”

尔时，大王即往³⁰⁹娑罗双树间，至于佛所，仰瞻如来三十二相、八十种好，犹如微妙真金之山。

尔时，世尊出八种声告言：“大王。”

时，阿阇世左右顾视：“此大众中谁是³¹⁰大王？我既罪逆，又无福德，如来不应称为大王。”

尔时，如来即复唤言：“阿阇世大王。”

³⁰⁷ 大正藏：心

³⁰⁸ 大正藏：无决定；永乐北藏及龙藏：无定定

³⁰⁹ 大正藏：到

³¹⁰ 大正藏：为

时，王闻已，心大欢喜，即作是言：“如来今日顾以爱言³¹¹，真知如来于诸众生大悲怜悯等无差别。”即白佛言³¹²：“世尊！我今疑心永无遗余，定知如来真是众生无上大师。”

尔时，迦叶菩萨语持一切菩萨言：“如来已为阿闍世王作决定心。”

阿闍世王复³¹³白佛言：“世尊！假使我今得与梵王释提桓因坐起饮食，犹不欣悦；得遇如来一言顾命，深以欣庆。”即以所持³¹⁴旛盖、香华、妓乐供养，前礼佛足，右绕三币。礼敬毕已，却坐一面。

尔时，佛告阿闍世王言：“大王，今当为汝说正法要，汝当一心谛听谛听。凡夫常当系心观身有二十事：一，我此³¹⁵身中空无无漏；二，无诸善根³¹⁶；三，我此生死未得调顺；四，堕坠深坑，无处不畏；五，以何方便得见佛性？六，云何修定得见佛性？七，生死常苦，无常、乐³¹⁷、我、净；八，八难之难难得远离；九，恒为怨家

³¹¹ 大正藏：顾命语言：永乐北藏及龙藏：顾以爱言

³¹² 大正藏：白佛言：永乐北藏及龙藏：即白佛言

³¹³ 大正藏：尔时，阿闍世王即：永乐北藏及龙藏：阿闍世王复

³¹⁴ 大正藏：尔时，阿闍世王即以所持：永乐北藏及龙藏：即以所持

³¹⁵ 大正藏：谓我此：永乐北藏及龙藏：我此

³¹⁶ 大正藏：善根本：永乐北藏及龙藏：善根

³¹⁷ 大正藏：无常：永乐北藏及龙藏：无常、乐

之所追逐；十，无有一法能遮诸有；十一，于三恶趣未得解脱；十二，具足种种诸恶邪见；十三，亦未造立度³¹⁸五逆津；十四，生死无际，未得其边；十五，不作诸业不得果报；十六，无有我作他人受果；十七，不作乐因，终无乐果；十八，若有造业，果终不失；十九，因无明生，亦因而死；二十，去、来、现在常行放逸。

“大王，凡夫之人当³¹⁹于此身常³²⁰作如是二十种观。作是观已，不乐生死；不乐生死，则得止观。尔时，次第观心生相、住相、灭相。次第观心生、住、灭相³²¹，定、慧、进、戒亦复如是。观生、住、灭已，知心相乃至戒相，终不作恶，无有死畏、三恶道畏。若不系心观察如是二十事者，心则放逸，无恶不造。”

阿闍世言：“如我解佛所说义者，我从昔来，未曾观³²²是二十事，故多造众恶³²³。造众恶故，则有死畏、三恶道畏。世尊！自我招殃，造兹重恶，父王无辜，横加逆害，是二十事设观不观，必定当堕阿鼻地狱。”

³¹⁸ 大正藏：渡

³¹⁹ 大正藏：常

³²⁰ 大正藏：当

³²¹ 此句，大正藏及丽藏有；永乐北藏及龙藏无

³²² 大正藏：初未曾观；永乐北藏及龙藏：未曾观

³²³ 大正藏：故造众恶；永乐北藏及龙藏：故多造众恶

佛告大王：“一切诸法性相无常，无有决定，王云何言必定当堕阿鼻地狱？”

阿闍世王白佛言：“世尊！若一切法无定相者，我之杀罪亦应不定。若杀定者，一切诸法则非不定。”

佛言：“大王，善哉！善哉！诸佛世尊说一切法悉无定相，王复能知杀亦不定，是故当知，杀无定相。

“大王，如汝所言‘父王无辜，横加逆害’者，何者是父？但于假名众生五阴妄生父想。于十二入、十八界中，何者是父？若色是父，四阴应非；若四是父，色亦应非。若色、非色合为父者，无有是处。何以故？色与非色性无合故。大王，凡夫众生于是色阴妄生父想，如是色阴亦不可害。何以故？色有十种，是十种中，唯色一种可见可持，可称可量，可牵可缚。虽可见缚，其性不住。以不住故，不可得见，不可捉持，不可称量，不可牵缚。色相如是，云何可杀？若色是父，可杀可害获罪报者，余九应非。若九非者，则应无罪。

“大王，色有三种：过去、未来、现在。过去、现在则不可害。何以故？过去过去故，现在

念念灭故。遮未来故，名之为杀。如是一色，或有可杀，或不可杀。有杀不杀，色则不定；若色不定，杀亦不定；杀不定故，报亦不定。云何说言定入地狱？

“大王，一切众生所作罪业凡有二种：一者，轻；二者，重。若心、口作，则名为轻；身、口、心作，则名为重。大王，心念口说，身不作者，所得报轻。

“大王昔日口不教³²⁴杀，唯³²⁵言³²⁶足。大王若勅侍臣立断³²⁷王首，坐时乃断³²⁸犹不得罪，况王不勅，云何得罪？王若得罪，诸佛世尊亦应得罪。何以故？汝父先王频婆娑罗曾于诸佛种诸善根，是故今日得居王位；若佛世尊不受其供³²⁹，则不为王；若不为王，汝则不得为国兴³³⁰害。汝若³³¹杀父当有罪者，我等诸佛亦应有罪。若诸佛世尊无有³³²罪者，汝独云何而得罪耶？

“大王，频婆娑罗往有恶心，于毗富罗山游

324 大正藏：勅

325 大正藏：但

326 大正藏：刎；永乐北藏：刎；龙藏：则

327 大正藏：斩

328 大正藏：斩

329 大正藏：诸佛若不受其供养；永乐北藏及龙藏：若佛世尊不受其供

330 大正藏：生

331 大正藏：若汝；永乐北藏及龙藏：汝若

332 大正藏：得

行射猎³³³，周遍旷³³⁴野悉无所得，唯见一仙五通具足。见已即生瞋恚恶心：‘我今游猎所以不得，正坐此人。’驱逐令去，即勅左右而令杀之。其人临终生瞋恚恶心，退失神通而作誓言：‘我实无辜，汝以心、口横加屠戮³³⁵，我于来世亦当如是，还以心、口而害汝命³³⁶。’时王闻已，即生悔心，供养死尸。先³³⁷王如是尚得轻受，不堕地狱，况王不尔，而当地狱受果报耶？先王自作还自受之，云何令王而得杀罪？

“如王所言‘父王无辜’者，云何言无³³⁸？夫有罪者则有罪报，无恶业者则无罪报。汝父先王若无有³³⁹罪云何有报？频婆娑罗于现世中亦得善果及以恶果，是故，先王亦复不定；以不定故，杀亦不定；杀不定故，云何而言定入地狱？

“大王，众生狂惑凡有四种：一者，贪狂；二者，药狂；三者，呪狂；四者，本业缘狂。大王，我弟子中有是四狂，虽多作恶，我终不记是人犯戒。是人所作不至三趣³⁴⁰，若还得心亦不言

³³³ 大正藏：猎鹿：永乐北藏及龙藏：射猎

³³⁴ 大正藏：圻

³³⁵ 大正藏：戮害：永乐北藏及龙藏：屠戮

³³⁶ 大正藏：于汝：永乐北藏及龙藏：汝命

³³⁷ 大正藏：是

³³⁸ 大正藏：大王云何言无：永乐北藏及龙藏：云何言无

³³⁹ 大正藏：辜

³⁴⁰ 大正藏：恶

犯。王本贪国，兴此逆害³⁴¹。贪狂心作，云何得罪？

“大王，如人醉酒³⁴²，而³⁴³害其母，既醒悟³⁴⁴已，心生悔恨，当知是业亦不得报。王今贪醉，非本心作。若非本心，云何得罪？

“大王，譬如幻师，于四衢道³⁴⁵幻作种种男、女、象、马、璎珞、衣服，愚痴之人谓为真实，有智之人知非真有；杀亦如是，凡夫谓实，诸佛世尊知其非真。

“大王，譬如山谷³⁴⁶响声，愚痴之人谓之实声，有智之人知其非真；杀亦如是，凡夫谓实，诸佛世尊知其非真。

“大王，如人有怨，诈来亲附，愚痴之人谓为真实³⁴⁷，智者了达，乃知虚诈；杀亦如是，凡夫谓实，诸佛世尊知其非真。

“大王，如人执镜，自见面像，愚痴之人谓为真面，智者了达知其非真；杀亦如是，凡夫谓实，诸佛世尊知其非真。

³⁴¹ 大正藏：逆害父王：永乐北藏及龙藏：兴此逆害

³⁴² 大正藏：酒醉：永乐北藏及龙藏：醉酒

³⁴³ 大正藏：逆

³⁴⁴ 大正藏：寤

³⁴⁵ 大正藏：四衢道头：永乐北藏及龙藏：于四衢道

³⁴⁶ 大正藏：间

³⁴⁷ 大正藏：实亲：永乐北藏及龙藏：真实

“大王，如热时焰³⁴⁸，愚痴之人谓之是水，智者了达知其非水；杀亦如是，凡夫谓实，诸佛世尊知其非真。

“大王，如乾闥婆城，愚痴之人谓为真实，智者了达知其非真；杀亦如是，凡夫谓实，诸佛世尊知其非真。

“大王，如人梦中受五欲乐，愚痴之人谓之实，智者了达知其非真。杀亦如是，凡夫谓实，诸佛世尊知其非真。

“大王，杀法、杀业、杀者、杀果及以解脱，我皆了之，则无有罪。王虽知杀，云何有罪？

“大王，譬如有人主知典酒，如其不饮则亦不醉，虽复知火亦不烧燃；王亦如是，虽复知杀，云何有罪？

“大王，有诸众生于日出时作种种罪，于月出时复行劫盗，日、月不出则不作罪，虽因日、月令其作罪，而³⁴⁹此日、月实不得罪。杀亦如是，虽复因王，王实无罪。

“大王，如王宫中常勅屠羊，心初无惧，云何于父独生惧心？虽复人兽³⁵⁰尊卑差别，保命、

³⁴⁸ 大正藏：炎

³⁴⁹ 大正藏：然

³⁵⁰ 大正藏：畜

畏死³⁵¹ 二俱无异，何故于羊心轻无惧，于父先王生重忧苦？大王，世间之人，是爱僮仆，不得自在，为爱所使而行杀害。设有果报，乃是爱罪。王不自在，当有何咎？

“大王，譬如涅槃，非有非无，而亦是有；杀亦如是，虽非有非无³⁵²，而亦是有。惭愧之人则是³⁵³非有，无惭愧者则为非无。受果报者名之为有，空见之人则为非有。有见之人则为非无，有有见者亦名为有。何以故？有有见者得果报故，无有见者则无果报。常见之人则为非有³⁵⁴，无常见者则为非无³⁵⁵，常常见者不得为无。何以故？常常见者有恶业果故，是故常常见者不得为无。以是义故，虽非有非无³⁵⁶，而亦是有。

“大王，夫众生者，名出入息。断出入息³⁵⁷ 故名为杀 诸佛随俗，亦说为杀。

“大王，色是无常，色之因缘亦是无常。从无常因生色云何常？乃至识无常³⁵⁸，识之因缘亦是无常，从无常因生识云何常？以无常故苦，以

³⁵¹ 大正藏：宝命重死：永乐北藏及龙藏：保命畏死

³⁵² 大正藏：虽非有无：永乐北藏及龙藏：虽非有非无

³⁵³ 大正藏：为

³⁵⁴ 大正藏：无

³⁵⁵ 大正藏：有

³⁵⁶ 大正藏：虽非有无：永乐北藏及龙藏：虽非有非无

³⁵⁷ 大正藏：断出入息，故名为杀：永乐北藏及龙藏：（断出入息，故名为杀）

³⁵⁸ 大正藏：识是无常：永乐北藏及龙藏：识无常

苦故空，以空故无我。若是无常、苦、空、无我，为何所杀？杀无常者得常涅槃，杀苦得乐，杀空得实，杀于无我而得真我。大王，若杀无常苦、空、无我者，则与我同，我亦杀是³⁵⁹无常苦、空、无我，不入地狱。汝云何入？”

尔时，阿阇世王如佛所说观色乃至观识，作是观已，即白佛言：“世尊！我今始知色是无常乃至识是无常。我本若能如是观³⁶⁰者，则不作罪。世尊！我昔曾闻诸佛世尊常为众生而作父母，虽闻是语，犹未能审³⁶¹，今乃³⁶²定知。世尊！我亦曾闻须弥山王四宝所成，所谓金、银、琉璃、玻瓈，若有众鸟，随所集处则同其色。虽闻是说³⁶³，亦不审定。我今来至佛须弥山则与同色，与同色者，则知诸法无常、苦、空、无我。世尊！我见世间从伊兰子生伊兰树，不见伊兰生栴檀者³⁶⁴，我今始见从伊兰子生栴檀树。伊兰子者，我身是也；栴檀树者，即是我心无根信也。无根者，我初不知恭敬如来，不信法、僧，是名无根。世尊！我若不遇如来世尊，当于无量阿僧祇劫在大地狱

³⁵⁹ 大正藏：于

³⁶⁰ 大正藏：知

³⁶¹ 大正藏：犹未审定；永乐北藏及龙藏：犹未能审

³⁶² 大正藏：则

³⁶³ 大正藏：言

³⁶⁴ 大正藏：树

受无量苦。我今有幸得见如来³⁶⁵，以是见佛所得功德，悉坏众生烦恼恶心³⁶⁶。”

佛言：“大王，善哉！善哉！我今知汝必能破坏众生恶心。”

“世尊！若我审能破坏众生诸恶心者，使我常在阿鼻地狱，无量劫中，为诸众生受大苦恼不以为苦。”

尔时，摩伽陀国无量人民悉发阿耨多罗三藐三菩提心。以如是等无量人民发大心故，阿阇世王所有重罪即得微薄。王及夫人、后宫嫔女悉皆同发阿耨多罗三藐三菩提心。

尔时，阿阇世王语耆婆言：“耆婆，我今未死已得天身，舍于短命而得长命，舍无常身而得常身，令诸众生发阿耨多罗三藐三菩提心，即是天身、长命、常身，即是一切诸佛弟子。”

说是语已，即以种种宝幢、旛盖、香华、瓔珞、微妙妓乐而供养佛。复以偈颂而赞叹言：

实语甚微妙 善巧于句义
甚深秘密藏 为众故显示
所有广博言 为众故略说

³⁶⁵ 大正藏：见佛：永乐北藏及龙藏：有幸得见如来

³⁶⁶ 大正藏：破坏众生所有一切烦恼恶心：永乐北藏及龙藏：悉坏众生烦恼恶心

具足如是语 善能疗众生
若有诸众生 得闻是语者
若信及不信 定知是佛说
诸佛常软语³⁶⁷ 为众故说粗
粗语及软言³⁶⁸ 皆归第一义
是故我今者 归依于世尊
如来语一味 犹如大海水
是名第一义³⁶⁹ 故无无义语
如来今所说 种种无量法
男女大小闻 同获第一义
无因亦无果 无生亦³⁷⁰无灭
是名大涅槃 闻者破诸果³⁷¹
如来为一切 常作慈父母
当知诸众生 皆是如来子
世尊大慈悲 为众修³⁷²苦行
如人著鬼魅 狂乱多所为³⁷³
我今得见佛 所得三业善
愿以此功德 回向无上道

367 大正藏：言

368 大正藏：语

369 大正藏：谛

370 大正藏：及

371 大正藏：结

372 大正藏：故

373 大正藏：作

我今所供养 佛法及众僧
愿以此功德 三宝常存³⁷⁴世
我今所应获³⁷⁵ 种种诸功德
愿以破一切³⁷⁶ 众生四种魔
我遇恶知识 造作三世罪
今于佛前悔 愿后更不作³⁷⁷
愿诸众生等 悉发菩提心
系心常思念 十方一切佛
复愿诸众生 永破诸烦恼
了了见佛性 犹如文殊³⁷⁸等

尔时，世尊赞阿闍世王：“善哉！善哉！若有人能发菩提心，当知是人则为庄严诸佛大众。大王，汝昔已于毗婆尸佛初发阿耨多罗三藐三菩提心，从是以³⁷⁹来至我出世，于其中间未曾复堕³⁸⁰地狱受苦。大王当知，菩提之心乃有如是无量果报。大王，从今已往常当勤修菩提之心。何以故？从是因缘当得消灭无量恶故。”

尔时，阿闍世王及摩伽陀国一切³⁸¹人民，从

³⁷⁴ 大正藏：在

³⁷⁵ 大正藏：当得：永乐北藏及龙藏：应获

³⁷⁶ 大正藏：此破坏：永乐北藏及龙藏：破一切

³⁷⁷ 大正藏：莫造：永乐北藏及龙藏：不作

³⁷⁸ 大正藏：妙德：永乐北藏及龙藏：文殊

³⁷⁹ 大正藏：已

³⁸⁰ 大正藏：堕于：永乐北藏及龙藏：复堕

³⁸¹ 大正藏：举国：永乐北藏及龙藏：国一切

座而起，绕佛三币，辞退还宫。

天行品者如杂华说。

婴儿行品第二十一³⁸²

“善男子，云何名为³⁸³婴儿行？善男子，不能起、住、来、去、语言，是名婴儿。如来亦尔，不能起者，如来终不起诸法相；不能住者，如来不著一切诸法；不能来者，如来身行无有动摇；不能去者，如来已至³⁸⁴大般涅槃；不能语者，如来虽为一切众生演说诸法，实无所说。何以故？有所说者，名有为法；如来世尊非是有为，是故无说。又，无语者，犹如婴儿语言³⁸⁵未了，虽复有语，实亦无语；如来亦尔，语未了者即是诸佛秘密之言，虽有所说，众生不解，故名无语。

“又，婴儿者，名物不一，未知正语。虽名物不一，未知正语，非不因此而得识物；如来亦尔，一切众生方类各异，所言不同，如来方便随而说之，亦令一切因而得解。

“又，婴儿者，能说大字；如来亦尔，说于大字，所谓婆喏，喏者有为，婆者无为，是名婴

³⁸² 大正藏：大般涅槃经婴儿行品第二十一：永乐北藏及龙藏：婴儿行品第二十一

³⁸³ 大正藏：名：永乐北藏及龙藏：名为

³⁸⁴ 大正藏：到

³⁸⁵ 大正藏：言语：永乐北藏及龙藏：语言

儿。啾者，名为无常；婆者，名为有常。如来说常，众生闻已，为常法故断于无常，是名婴儿行。

“又，婴儿者，不知苦乐、昼夜、父母；菩萨摩訶萨亦复如是，为众生故，不见苦乐，无昼夜相，于诸众生其心平等，故无父母亲踈等相。

“又，婴儿者，不能造作大小诸事；菩萨摩訶萨亦复如是，不复造作³⁸⁶生死作业，是名不作大事者³⁸⁷，即五逆也。菩萨摩訶萨终不造作五逆重罪。小事者，即二乘心。菩萨终不退菩提心而作声闻、辟支佛乘。

“又，婴儿行者，如彼婴儿啼哭之时，父母即以杨树黄叶而语之言：‘莫啼！莫啼！我与汝金。’婴儿见已，生真金想，便止不啼，然此黄³⁸⁸叶实非金也。木牛、木马、木男、木女，婴儿见已，亦复生于男、女等想，即止不啼。实非男、女，以作如是男、女想故，名曰婴儿。如来亦尔，若有众生欲造众恶，如来为说三十三天常、乐、我、净，端正自恣，于妙宫殿受于五欲³⁸⁹，六根所对无非是乐。众生闻有如是乐故，心生贪乐，止不为恶，勤作三十三天善业。实是生死，无常、

³⁸⁶ 大正藏：菩萨不造：永乐北藏及龙藏：不复造作

³⁸⁷ 大正藏：是名不作大事。大事者：永乐北藏及龙藏：是名不作大事者

³⁸⁸ 大正藏：杨

³⁸⁹ 大正藏：受五欲乐：永乐北藏及龙藏：受于五欲

无乐、无我、无净，为度众生方便，说言常、乐、我、净。

“又，婴儿者，若有众生厌生死时，如来则为说于二乘，然实无有二乘之实。以二乘故，知生死过，见涅槃乐；以是见故，则能自知有断不断、有真不真、有修不修、有得不得。

“善男子，如彼婴儿于非金中而生金想；如来亦尔，于不净中而说为净，如来已得第一义故，则无虚妄。

“如彼婴儿于非牛马作牛马想，若有众生于非道中作真道想，如来亦说非道为道。非道之中实无有道，以能生道微因缘故，说非道为道。

“如彼婴儿于木男生男女想；如来亦尔，知非众生说众生想³⁹⁰，而实无有众生想³⁹¹也。若佛如来说无众生，一切众生则堕邪见，是故如来说有众生。于众生中作众生想³⁹²者，则不能破众生想³⁹³也。若于众生破众生想³⁹⁴者，是则能得大般涅槃。以得如是大涅槃故，止不啼哭。是名婴儿行。

³⁹⁰ 大正藏：相

³⁹¹ 大正藏：相

³⁹² 大正藏：相

³⁹³ 大正藏：相

³⁹⁴ 大正藏：相

“善男子，若有男女受持、读诵、书写、解说是五行者，当知是人必定当得如是五行。”

迦叶菩萨白佛言：“世尊！如我解佛所说义者，我亦定当得是五行。”

佛言：“善男子，不独汝得如是五行，今此会中九十三万人，亦皆同³⁹⁵汝得是五行。”

大般涅槃经卷第十八

³⁹⁵ 大正藏：同于：永乐北藏及龙藏：皆同

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

南無佛 南無法 南無僧 (合掌三称)

南無一切如来、应、正等觉 (合掌三称)

南無本师释迦牟尼佛 (合掌三称)

南無大般涅槃经 (合掌三称)

发愿文

(一遍)

志心忏悔。我(某甲)与一切众生，从无始来，迷失真心，流转生死，六根罪障，无量无边，圆妙佛乘，无以开解，一切所愿，不得现前。我今读诵大般涅槃经，以此善根，发露黑恶，过、现、

未来三业所造无边重罪，皆得消灭，身心清净，惑障蠲除，福智庄严，净因增长，自他行愿速得圆成。愿诸如来常在说法，所有功德起随喜心，回向菩提，证常乐果。命终之日，正念现前，面见弥陀及诸圣众，一刹那顷，生莲华中。普愿众生，俱成佛道。

回向偈

(一遍)

诵经功德殊胜行 无边胜福皆回向
普愿沉溺诸有情 速往无量光佛刹
十方三世一切佛 一切菩萨摩訶萨
摩訶般若波罗蜜

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心。
自皈依法，当愿众生，深入经藏，智慧如海。自
皈依僧，当愿众生，统理大众，一切无碍，和南
圣众。



此咒置经书中可灭误跨之罪

南无护法韦驮尊天菩萨

